



C40
4514
64

8
9
10
1
2
3
4
5
6
7
8
9
20
1
2
3
4
5
6
7
8
9
9
30
1
2
3
4
5
6



佛
陀
聖
經
卷
第
三
十
三

三

東京大学総合図書館所蔵



佛說長者法

出

聞如

千

師名

與大比丘

入城

佛說長者法

三

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

下無

宮諸

動歡喜

閣放大光明

形眾寶瓔珞

常奴客

明超

天凡

勿利

之中安不可

元門外進到中

嚴莊牀座文飾身

五色焜煌謂可保

向曲直遙見佛

一切無

向

佛

佛說阿含經

三

言

7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36

下無
宮諸
動歡喜
閣放大光明

形衆寶瓔珞
常奴客
明超
天凡

之中安不可
初利
門外進到中
嚴莊牀座文飾身

五色焜煌謂可保
同曲直遙見佛
日月釋梵諸
一切無
向

佛說觀世音菩薩普門品

三

8
9
10
1
2
3
4
5
6
7
8
9
20
1
2
3
4
5
6
7
8
9
30
1
2
3
4
5
6

B 64853



惡口

無量
無上之誨
妄言兩舌綺語
持戒忍辱精進一

心智慧遵四等心慈悲喜護普弘大哀自致得三十
二相八十種好乃為奴客婢使教以辛苦生死罪福
示語三塗之患難也戒以道禁義理之事勝于樹杖
莊嚴瓔珞有四事何等為四一曰篤信二曰戒禁三
曰三昧四曰智慧是為四事菩薩自莊嚴心計大乘
無勇無女猶如幻化畫師所作隨意輒成曉了空慧
一切本淨得無名身四無所畏四事不護獨步三界
度脫一切女聞佛教心開踊躍即發無上正真道意
立不退轉地時天帝釋來在佛後謂女言曰佛道難
得不加求轉女為男日月天帝轉輪聖王於是女以

佛說長壽寺經

偈頌曰

天帝日月王 轉輪四域主 威勢無幾間
不可久恃怙 仕豪如朝露 夢中有所覩
覺已忽滅盡 不知所湊處 五陰如幻化
三界由已作 三世以平等 道心無等侶
諦解作是了 誰男何所女 天帝聞斯言
默然無所語

佛言善哉善哉誠如所云三處如幻化影響野馬水
月芭蕉俗人不解計有吾我便倚三界不能自濟女
心卽解變爲男子踊在虛空下禮佛足佛告女曰汝

於後世恒沙來劫當得作佛號無垢王如來至真等
正覺明行成爲善逝世間解無上士道法御天人師
佛號天中天世日光淨時來會者諸天人人民無央數
千見此變應皆發無上正真道意時長者妻一切下
使前白佛言尊者卑者本寧異乎佛言一切本無隨
心所存雖爲下使發心爲道可得成佛旣爲尊豪恣
心憍慢不離惡趣地獄餓鬼畜生之中猶月增減如
樹盛衰一切非常無一可賴惟道深慧乃可保常猶
如虛空無進無退時諸下使踊躍欣豫發大道意變
爲男子得不起忍佛告阿難五陰無處六情無根十

二因緣而無端緒四大寄因何所是人佛說如是莫
不歡喜
佛說長者法志妻經

佛說薩羅國經

開元附東晉錄失譯師名

昔有大國名曰薩羅土地廣博嚴淨之處中多人民
富樂熾盛工黠妍雅好盛文飾多出珍寶五色玄黃
城郭樓閣街巷門室金銀錯塗方圓淨好遶城浴池
中生蓮華鳧鴛鴦鳩夷羅鳥孔雀鸚鵡鴉隨鷓鴣
鷦飛相逐皆在池中晝夜栖止相和悲鳴男女遊戲
作唱妓樂無有厭極樂不可言自倚憍慢不解佛法
各自快心天下無雙佛在舍衛祇樹之園佛見此國
興樂乃爾不惟無常生死之苦貪濁色欲無有懈已

佛念彼國生死遂滋不行權慧誰能度之卽作方便
開化其心諸有色相以空應之一切喜樂以苦應之
權行隨意令離想識佛便現神如意三昧放大光明
靡所不照感動八方及人非人諸天龍神追侍在後
帝釋梵天手執珍奇七寶之蓋獻御奉佛彌勒文殊
目連羅云阿難離越舍利弗諸弟子菩薩無數千人
皆悉隨從俱適彼國百鳥畜獸相和悲鳴倡妓衆樂
不鼓自鳴枯木諸樹皆自更生溝渠江海龜鼈鼉鼉
水性之屬莫不忻懌三千國上皆大震動地生蓮華
大如車輪珍寶瑠璃轉相雜成其色甚妙光耀人目

佛放光明普有所照諸在窈冥勤苦之處皆悉開闢
無所罣礙國王大臣長者居士中宮太子列女美人
國民大小莫不悚然今日何故乃有是現自在宮內
五樂自娛妓女自拊快樂無過今所見者世所希有
時持地神踊從地出現王殿前歎佛功德世尊現變
光踰日月諸天欽仰釋梵所尊世垢已除脫人生死
其見佛者罪疊消除其供佛者福倍無量植種德本
後生天上發一慧意所得無限可往見佛諮受法言
王後轉開意內霍然如來降神在吾國界衆生蒙度
非但已身一切羣從并餘衆輩皆悉出城欣喜踊躍

佛之威神令是國界廓然大明洞達無邊王及人民悉往見佛快哉福報善心生焉觀佛尊顏金光耀耀奮威振躍吉祥莊飾相明清徹志寂淡定王及人民皆前禮佛頭面稽首遙尊三帟却在前住具自陳說久沈貪濁迷惑聲色不見如來供事問法佛言大善王及臣民中宮太子皆平安乎王言蒙得佛恩皆悉如宜佛言王貪濁色欲恣心無厭賦斂財寶餽膳美味園觀浴池遊戲無極不念無常何益萬分人爲欲縛不惟後世卽致泥犂畜生之屬但坐無厭燒炙形殘飢不及飡渴無水漿屏營然毒迭互相然皆坐無

慮逆心犯惡在世雖富深宮尊位是悉無常如夢已寤想命獨生無一隨者王前長跪啓白世尊以何方便得離此罪佛爲法王一切所歸佛爲正導衆生宗仰願見拯舉得免此苦佛言善哉王立信本施行四事可尋維摩一日斤斤施與無所愛惜二曰以次真志割損貪食三曰聞佛經戒言之六犯四法師厚善知識是爲四事可得清淨王心生念欲施檀便前禮尊叉手白佛願屈光儀到宮小飯佛卽默然已受其請王歸宮內勅臣官屬佛者難值如優曇鉢華今已得之當好供養出諸華香幢幡妓樂莊嚴

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

一經

西夏國經

十一

不

官室掃灑令淨城中街里皆施幡蓋中宮夫人及國
 人民悉受王教整頓牀座卽勅太官作百味之食調
 和香甘便行迎佛供具以辦願可勞神佛卽用時於
 坐而行便放威神感動眾會四部弟子百千天人及
 諸龍神捷沓和等眷屬圍繞羣從隨佛四天前導釋
 梵持蓋菩薩大士侍佛入城佛蹈門問境界震動盲
 聾瘖瘖被毒病瘦皆悉完具平復如故箜篌樂器不
 鼓自鳴佛放光明悉照宮室城郭宅宅悉作瑠璃內
 外洞達莫不見佛佛前上殿就師子座王及太子國
 臣人民卽下飯具手自斟酌飯食已訖便行澡水一
 切人民眾坐已定王取小几前坐聽經仍轉法輪說
 不退轉王卽歡喜以衣奉佛其價千萬世所希有所
 散之衣懸在虛空便於佛上化成華蓋交露七寶悉
 皆垂珠從是垂珠出其光明遍照十方無數佛土王
 及臣民後宮太子夫人美女合萬餘人見是變化莫
 不踊躍皆發無上正真道意八百天神得不起法忍
 五千菩薩立不退轉無數千人皆興德本壽終已後
 皆生天上佛語阿難是王供事五百餘佛惠施財寶
 等令悉哀尊法不倦是當來劫當得作佛號名慧心
 如來至真平等正覺是國人民及諸夫人承其次第

經

西夏國經

八

一

悉當得佛王聞受決踊在空中現身離地百四十丈
從上來下歎佛功德佛者甚尊爲衆作本其德若天
無所不覆國人八千聞授王決普發淨心願爲菩薩
佛說經訖一切衆會及人非人莫不歡喜世尊權道
所化如是

佛說薩羅國經

佛說十吉祥經

開元附秦錄失譯師名

如是我聞一時佛在羅閱祇者閻崛山中與大比丘
衆千二百五十人菩薩五千人俱爾時世尊與無央
數百千人前後圍遶而爲說經時大會中有一大士
名離垢蓋承佛威神卽從座起偏袒右肩右膝著地
叉手合掌前白佛言今可現有諸佛世尊如來至真
等正覺若善男子善女人求佛道者聞其名號受持
讀誦疾得不退轉於無上正真道佛告離垢蓋大士
善哉善哉族姓子乃能作是問多所利益有族姓子

東方去此度一恒沙數諸佛世界有世界名號莊嚴
其刹有佛名大光耀如來至真等正覺今現在說法
復有族姓子東方度一恒沙數諸佛世界有世界名
諦勝諸勝其刹有佛名慧燈明如來有世界名金剛
其刹有佛名大雄如來有世界名淨尊注其刹有佛
名無垢塵如來有世界名金光明其刹有佛名上像
幢十蓋王如來有世界名大威諱其刹有佛名威神
自在王如來有世界名香熏其刹有佛名極受上願
王如來有世界名寶嚴其刹有佛名內寶如來有世
界名海燈明其刹有佛名大海如來有世界名十力

燈明其刹有佛名十力現如來當知無垢蓋若善男
子善女人求佛道者恒邊沙刹滿中七寶持用布施
如來正覺若善男子善女人聞此佛名受持諷誦說
在心懷於大衆中爲人廣說此之功德過前功德欲
重解義而說偈言

如恒邊沙 諸佛世尊 滿中七寶 持用布施
若有得聞 諸佛名號 信樂不忘 功德過前
若聞諸佛名 諷誦莫忘失 其人不宜疑
言我不成佛 六通無窮盡 至于無敵劫
其身當金色 相好以莊嚴 若持佛名說

過於十億劫 疾得成正覺

佛說經竟離垢蓋大士諸菩薩等天龍鬼神及世間人咸皆歡喜頂受佛教

佛說十吉祥經

佛說長者女菴提遮師子吼了義經

似秦什師文意

開元 招遺 附梁 錄失 譯人名

如是我聞一時佛住舍衛國祇樹給孤獨園與無量比丘比丘尼優婆塞優婆夷菩薩摩訶薩眾俱爾時去舍衛城西二十餘里有一村名曰長提有一婆羅門名婆私膩迦在其中住其人學問廣博深信內典敬承佛教時婆羅門欲設大會至祇洹所請佛及僧佛則受其請婆羅門還家又剋其時佛與大眾往詣彼村至婆羅門舍爾時長者見佛歡喜踊躍不能自勝卽率諸眷屬來至佛所各各禮佛恭敬而住其婆

羅門有一長女名菴提遮先適與人暫來還家侍省
父母其女容貌端正其度高遠用心柔下其懷豁然
能和夫妻侍養親族事夫如禁其儀無比出於羣類
父母眷屬皆出見佛唯有此女獨在室內其女自以
生來父母莫測其所由故名之菴提遮爾時如來卽
知長者有一女在室內未出亦知其不出所由其若
出者利益無量大衆及諸天人佛告長者言汝之
眷屬出來盡耶其婆羅門束手長跪佛前以此女不
出之狀將之爲恥默然未答佛則知其意仍告之言
中時向至可設供耶時婆羅門卽于佛敎起設供養

大衆及其長者眷屬中食已訖唯有此女未及得食
時如來鉢中故留殘食遣一化女將此餘食與彼室
內女菴提遮時化女人以偈告曰

此是如來餘 無上勝尊賜 我當承佛敎

願仁清淨受

其女菴提遮卽以偈歎曰

嗚呼大慈悲 知我在室已 今賜一味食

尋仰觀聖旨

復以偈答彼化女曰

我常念所思 大聖之所行 未曾與汝異

何事不清淨

其化女聞菴提遮說偈已卽沒不現其女菴提遮以
心念誦偈曰

我夫今何在 願出見勝尊 願知我淨心

速來得同聞

爾時菴提遮淨心力故其夫隨念卽至其所是女菴
提遮見其夫已心生歡喜以偈歎曰

嗚呼大勝尊 今隨濟我願 不辭破小戒

恐當不同聞

其夫見菴提遮說偈言已還以偈責曰

嗚呼汝大癡 不知善自宜 勞聖賜餘食

守戒竟何爲

時女菴提遮卽隨其夫往詣佛所各自禮佛及諸大
衆恭敬而立時女菴提遮以偈歎曰

我念大慈悲 救護十方尊 欲設祕密藏

賜我淨餘食 大聖甚難會 世心有所疑

誰可問法者 發衆菩提基

爾時舍利弗卽白佛言世尊此是何女人忽今來至
此復說如是法偈言得餘食佛告舍利弗言此是長
者女復問曰從何而來何因至此佛告舍利弗此女

不從遠來只在此室雖有父母眷屬其夫不在以自
誠敬順夫因緣故不從父母輕爾出遊現於大衆爾
時舍利弗白佛言是女以何善因故生此長者家其
容若此復以何因緣故得如是士夫禁約若此不能
自由見佛及僧佛卽告舍利弗汝自問之時舍利弗
問其女曰汝以何因緣生此長者家復以何因緣得
如是人爲夫禁戒若此不能自由見佛及僧其女菴
提遮以偈答曰

我以不惡生 生此長者家 又不執女相
得是清淨夫 我在內室中 以爲自在竟

是分未曾越 聖知賜我餘 嗚呼今大德
不知真實由 絲毫不負越 故名大自在
我雖內室中 尊如目前現 仁稱阿羅漢
常隨不能見 大聖非是色 亦不離色身
聲聞見波旬 謂是大力人 嗚呼今大德
隨望少方便 不知本元由 於我生倒見

爾時舍利弗默然而止私自念言此是何女人其辯
若此我所不及佛卽知其意而告之曰勿退於問答
生於異心是女人已經值無量諸佛所說是法藥勿
疑之也爾時文殊師利問菴提遮曰汝今知生死義

耶答曰以佛力故知又問曰若知者生以何為義答曰生以不生生為生義又問曰云何不生生為義耶答曰若能明知地水火風四緣畢竟未曾自得有所和合而能隨其所宜有所說者以為生義又問曰若知地水火風畢竟不自得有所和合為生義者即應無有生相將何為生義答曰雖在生處而無生者是為正生故說有義文殊又問曰死以何為義耶答曰死以不死死為死義又問曰云何以不死死為死義耶答曰若能明知地水火風畢竟不自得有所散而能隨其所宜有所說者是為死義又問曰若知地水

火風畢竟不自得有所散者即無死相將何為死義答曰雖在死處其心不亡者是為正死故說有義文殊師利又問曰常以何為義答曰若能明知諸法畢竟生滅變易無定如幻相而能隨其所宜有所說者是為常義又問曰若知諸法畢竟生滅無定如幻相者即是無常義云何將為常義耶答曰諸法生而不自得生滅而不自得滅乃至變易亦復如是以不自得故說為常義也又問曰無常以何為義答曰若知諸法畢竟不生不滅隨如是相而能隨其所宜有所說者是為無常義又問曰若知諸法畢竟不生不滅

者卽是常義云何說爲無常義耶答曰但以諸法自在變易無定相不自得隨如是知者故說有無常義又問曰空以何爲義答曰若能知諸法相未曾自空不壞今有而能不空空不有有者故說有空義又問曰若空空不有有者卽無有事將何爲空義耶其女菴提遮則以偈答曰

嗚呼真大德 不知真空義 色無有自性

豈非如空也 空若自有空 則不能容色

空不自空故 衆色從自生

爾時文殊師利又問曰頗有明知生而不生相爲生

所留者不答曰有雖自明見其力未充而爲生所留者是也又問曰頗有無知不識生性而畢竟不爲生所留者不答曰無所以者何若不見生性雖因調伏少得安處其不安之相常爲對治若能見生性者雖在不安之處而安相常現前若不如是知者雖有種種勝辯談說甚深典籍而卽是生滅心說彼實相密要之言如盲辯色因他語故說得青黃赤白黑而不能自見色之正相今不能見諸法者亦復如是但今爲生所生爲死所死者而有所說者乃於其人卽無生死之義耶若爲常無常所繫者亦復如是當知大

德空者亦不自得空故說有空義耶爾時佛告文殊師利如是如是如菴提遮所說真實無異日可令冷月可令熱是菴提遮所說不可移易時舍利弗復問其女曰汝之智慧辯才若此佛所稱歎我等聲聞之所不及云何不能離是女身色相也其女答曰我欲問大德卽隨意答我大德今現是男不舍利弗言我雖色是男而心非男也其女言大德我亦如是如大德所言雖在女相其心卽非女也舍利弗言汝今現爲夫所拘執何能如此其女答曰大德能自信己之所言不舍利弗言我之自言云何不自信其女答曰

若自信者大德前言說我色是男而心非男者卽心與色有所二用也若大德自信此言者卽於我所不生有夫之惡見大德自男故生我女相以我女色故壞大德心也而以自男見彼女者則不能於法生實信也舍利弗言我於汝所不敢生於惡見其女答曰但以對世尊故不敢非是實言也若實不生惡見者云何說我言汝今現爲夫所拘執耶是言從何而來舍利弗言我以久離習故有此之言非實心也其女問曰大德我今問者隨意答我大德旣言久離男女相者大德色久離耶心久離耶時舍利弗默然不答

爾時菴提遮以偈頌曰

若心得久離 畢竟不生見 誰爲作女人
於色起不淨 若論色久離 法本不自有
畢竟不曾汗 將何爲作惡 嗚呼今大德
徒學不能知 自男生我女 豈非妄想非
悔過於大衆 於法勿生疑 我上所言說
是佛神力持

時菴提遮說是偈已其比丘比丘尼優婆塞優婆夷
諸天及人一千餘人得阿耨多羅三藐三菩提心有
五千衆於中得無生法忍者得法眼淨者又得心解

脫者其無量聲聞衆而於佛法自生慙恥者無量爾
時佛告舍利弗是女人非是凡也已值無量諸佛常
能說如是師子吼了義經利益無量諸衆生我亦自
與是女人同事無量諸佛已是女人不久當成正覺
是諸衆中於是女人所說法要即能生實信者皆已
久聞是女人所說法故今則能生正信是故應當諦
受是師子吼了義經勿疑之也佛告阿難言汝當受
持此長者女菴提遮以師子吼說了義問答經章句
次第付囑於汝汝當諦受阿難白佛言唯然世尊今
悉受已爾時大衆聞女菴提遮說法已心大歡喜踊

悅無量各自如說修行

佛說長者女菴提遮師子吼了義經

佛說一切智光明仙人慈心因緣不食肉經

大乘單本失譯人名

如是我聞一時佛住摩伽提國寂滅道場彌加女村
自在天寺精舍時有迦波利婆羅門子名彌勒軀體
金色三十二相八十種好放銀光明黃金校飾如白
銀山威光無量來至佛所爾時世尊與千二百五十
比丘經行林中又有結髮梵志五百人等遙見彌勒
威儀庠序相好清淨五體投地如銀山崩成金華聚
衆寶間廁金華金臺七寶爲果於臺閣中有妙音聲
而說偈言

我見牟尼尊 面貌常清淨 百福相奇特

世間無倫匹 煩惱垢永盡 智慧悉成滿

一常歸命 身心無疲倦 故我以五體

欲得勝安樂 脫苦無所畏 敬禮釋迦文

特諸梵志見聞此事白佛言世尊如此童子威儀庠序光明無量與佛無異於何佛所初發道心受持誰經唯願世尊爲我解說佛告式乾梵志汝今諦聽善思念之吾當爲汝分別解說令汝歡喜乃往過去無量無邊阿僧祇劫時有世界名勝華敷佛號彌勒恒以慈心四無量法教化一切波佛說經名慈三昧光大悲海雲若有聞者即得超越百億萬劫生死之罪必得成佛無有疑慮時彼國中有大婆羅門名一切智光明聰慧多智廣博衆經世間技藝六十四能無不綜練毘佛出世說慈三昧光大悲海雲經即以世間一切議論難詰彼佛盡其辭辯而不能屈即便信伏爲佛弟子尋發阿耨多羅三藐三菩提心而作是言我今於佛法中誦持大慈三昧光大悲海雲經以此功德願於未來過算數劫必得成佛而號彌勒於是捨家卽入深山長髮爲相修行梵行八千歲中少欲無事乞食自活誦持是經一心除亂彼時世間有

兩星現國王淫荒彗星橫流連雨不止洪水暴長仙人端坐不得乞食經歷七日時彼林中有五百白兔有一兔王母子二獸見於仙人七日不食而作是言今此仙人爲佛道故不食多日命不云遠法幢將崩法海將竭我今當爲無上大法令得久住不惜身命卽告諸兔一切諸行皆悉無常衆生愛身空生空死未曾爲法我今欲爲一切衆生作大橋梁令法久住供養法師爾時兔王卽爲羣兔而說偈言

若有畜生類 得聞諸佛名 永離三惡道
不生八難處 若聞法奉行 生處常值佛

信法無疑惑 歸依賢聖僧 隨順諸戒行
如是疾得佛 必至大涅槃 常受無上樂

爾時兔王說此偈已告諸兔言我今以身欲供養法汝等宜當各各隨喜所以者何我從多劫喪身無數三毒所使爲鳥獸形唐生唐死未曾爲法吾今欲爲無上法故棄捨身命供養法師時山樹神卽積香薪以火然之兔王母子圍遶仙人足滿七帀白言大師我今爲法供養尊者仙人告言汝是畜生雖有慈心何緣能辦兔白仙人我自以身供養仁者爲法久住令諸衆生得饒益故作此語已卽語其子汝可隨意

求覓水草繫心思惟正念三寶爾時兔子聞母所說
跪白母言如尊所說無上大法欲供養者我亦願樂
作此語已自投火中母隨後入當於菩薩捨身之時
天地大動乃至色界及以諸天皆雨天華持用供養
肉熟之後時山樹神白仙人言兔王母子爲供養故
投身火中今肉已熟汝可食之時彼仙人聞樹神語
悲不能言以所誦經書置樹葉又說偈言

寧當然身破眼目

不忍行殺食衆生

諸佛所說慈悲經

彼經中說行慈者

寧破骨髓出頭腦

不忍噉肉食衆生

如佛所說食肉者

此人行慈不滿足

當受多病短命身

迷沒生死不成佛

時彼仙人說此偈已因發誓言願我世世不起殺想
恒不噉肉入白光明慈三昧乃至成佛制斷肉戒作
此語已自投火坑與兔併命是時天地六種震動天
神力故樹放光明金色晃耀照千國土時彼國中諸
人民等見金色光從山樹出尋光來至既見仙人及
以二兔死在火中見所說偈并得佛經持還上王王
聞此去溥告共宣令聞此者皆發無上正眞道心佛
告式乾汝今當知爾時白兔王者今現我身釋迦文

尼佛是時兔兒者今羅睺羅是時誦經仙人者今此
衆中婆羅門子彌勒菩薩摩訶薩是我涅槃後五十
六億萬歲當於攘佉轉輪聖王國界華林園中金剛
座處龍華菩提樹下得成佛道轉妙法輪時五百羣
兔者今摩訶迦葉等五百比丘是時二百五十山樹
神者舍利弗目犍連等二百五十比丘是時千國王
跋陀婆羅等千菩薩是彼王國土諸人民等得聞經
者從我出世乃至樓至於其中間受法弟子得道者
是佛告式乾菩薩求法勤苦歷劫不惜身命雖復從
報受畜生身常能爲法不惜軀命投於火坑以身供
養便得超越九百萬億劫生死之罪於是得在恒河
沙等無量諸佛先亦先彌勒前得成佛道汝等云何
不勤爲法佛說是語時式乾等五百梵志求佛出家
佛言善來鬚髮自落卽成沙門佛爲說法豁然意解
成阿羅漢八萬諸天亦發阿耨多羅三藐三菩提心
時會大衆聞佛所說各各稱讚菩薩所行舍利弗白
佛言時彼仙人投火坑已爲生何處佛告舍利弗時
彼仙人投火坑已生於梵世普爲一切說大梵法乃
至成佛轉大梵輪所說經典亦名慈三昧光大悲海
雲所制波羅提木叉不行慈者名犯禁人其食肉者

犯於重禁後身生處常飲熱銅至彼仙人得作佛時
 如彌勒菩薩下生經說尊者阿難聞佛所說即從座
 起偏袒右肩右膝著地合掌白佛叉手長跪而白佛
 言世尊彌勒成佛所說戒法乃以慈心制不食肉為
 犯重禁甚奇甚特時會大眾異口同音皆共稱讚彼
 國眾生不食肉戒願生彼國世尊悉記當得往生尊
 者阿難復白佛言當何名此經云何受持之佛告阿
 難此法之要名白兔王菩薩不惜身命為無上道亦
 名一切智光明仙人慈心因緣不食肉經如是受持
 尊者阿難及諸比丘聞佛所說歡喜奉行

佛說一切智光明仙人慈心因緣不食肉經

音釋

豐

許觀切

鶉

徐羊切

嬾

施隻切婦人

婁

徐醉切

康熙三年十月化城杖頭銀貲刻

隙也

與翔同

謂嫁曰嬾

妖星也

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

經

大方等陀羅尼經

三

六



大方等陀羅尼經卷第一

北涼沙門釋法衆譯

初分第一

如是我聞一時佛在舍衛國祇陀林中與五百大弟子俱爾時文殊師利法王子從王舍城與九十二億菩薩摩訶薩衆俱其名曰文殊師利法王子慈王法王子大目法王子梵音法王子妙色法王子栴檀林法王子師子吼音法王子妙聲法王子妙色形貌法王子種種莊嚴法王子釋幢法王子頂生法王子如是等九十二億到祇陀林中見佛世尊遶佛三匝頭

經

大方等陀羅尼經卷第一

一

言七

百禮足却任一面勸請世尊轉乎法輪大王波斯匿
將五百王子其名曰乾提羅王子長生王子真如法
王子法形王子如是等五百王子到祇陀林中遶佛
三市頭面禮足却任一面勸請世尊轉乎法輪舍衛
城中郁伽恒佉優婆塞將六百優婆塞其名曰郁伽
帝優婆塞妙聲優婆塞諸相莊嚴優婆塞好嚴心優
婆塞須達多優婆塞如是等六百優婆塞到祇陀林
中遶佛三市頭面禮足却任一面勸請世尊轉乎法
輪復有五百篤信優婆夷其名曰毗舍佉優婆夷空
妙相優婆夷華異妓女優婆夷騫那羅優婆夷禪提

伽優婆夷摩訶男優婆夷如是五百優婆夷到祇陀
林中遶佛三市頭面禮足却任一面勸請世尊轉乎
法輪復有郁伽長者子與五百長者子俱其名曰須
達多長者子臚如達多長者子栴檀林長者子妙色
形貌長者子如是五百長者子到祇陀林中遶佛三
市頭面禮足却任一面勸請世尊轉乎法輪爾時文
殊師利卽從座起偏袒右肩右膝著地合掌恭敬目
不暫捨而白佛言世尊如來前後所說說諸陀羅尼
門一切世間爲最又正法中爲最又諸天中爲最衆
生於此以最勝法入諸陀羅尼門觀佛境界世尊以

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

經
卷之四
佛名經
卷之四

慈悲力為無量無邊衆生故敷演解說陀羅尼名字
佛告文殊師利善哉善哉善男子汝為無量苦惱衆
生故請問陀羅尼門善男子汝今諦聽吾當為汝略
說諸陀羅尼名字善男子有陀羅尼名摩訶袒持有
陀羅尼名摩訶離婆帝有陀羅尼名寶幢有陀羅尼
名寶燄有陀羅尼名寶蓋有陀羅尼名金剛蓋有陀
羅尼名金剛曜有陀羅尼名諸色莊嚴有陀羅尼名
金剛色身有陀羅尼名種種莊嚴有陀羅尼名跋踰
陀羅有陀羅尼名毗伽陀羅有陀羅尼名水光有陀
羅尼名三昧有陀羅尼名華聚有陀羅尼名決定有

陀羅尼名常住有陀羅尼名衆華香有陀羅尼名種
種光明善男子如是陀羅尼者有九十二億恒河沙
門一一陀羅尼復有九十二億恒河沙門如是次第
智者應三品而說說此諸陀羅尼名時文殊師利所
將九十二億菩薩任無生法忍六百優婆塞任辟支
佛心五百優婆夷遠塵離垢得法眼淨五百長者子
發三菩提心波斯匿王所將諸王子等於如來前求
索出家佛告諸王子善哉善哉能於我法中求索出
家今正是時佛告諸王子善來比丘時諸王子鬚髮
自落法服著身即成沙門戒行具足爾時世尊為諸

經

大方廣陀羅尼經卷之四

三

言七

比丘說諸四諦法時諸比丘具足三明及六神通時諸比丘勸請世尊轉乎法輪爾時世尊默然印可便入諸陀羅尼門放大光明照於東方無量億千那由他三千大千世界由乾陀羅山後放此光已有無量億千那由他夜又南西北方及以四維下至迦陀難世界上至接識十方世界亦復如是各有無量億千那由他夜又之衆觀斯光已卽時尋光來詣娑婆世界到祇陀林中見釋迦牟尼如來入諸陀羅尼門及見文殊師利法王子在佛左右欲請世尊轉乎法輪爾時無量億千那由他夜又之衆及文殊師利諸菩

薩摩訶薩及五百大弟子優婆塞優婆夷居士居士各各從佛入諸陀羅尼門爾時衆中有一比丘名曰雷音卽從座起往至林中入禪三昧時虛空中有諸魔衆爾時衆中有一魔王名曰袒荼羅於虛空中作是思惟向者釋迦牟尼佛與無量大衆前後圍遶而爲說法獲大善利今此比丘復入禪定三昧我若不壞此比丘善根因緣此比丘必當於賢劫成阿耨多羅三藐三菩提成一切智獲大善利我今將諸眷屬壞此比丘善根因緣爾時魔王卽將九十二億眷屬往到祇陀林中掩蔽此比丘善根因緣爾時雷音

比丘甚大愁感大聲叫言南無十方三世無量諸佛
南無十方三世無量諸法南無十方少分足人如是
唱已爾時十方諸佛同聲唱言當以何法救彼比丘
爾時寶王佛舉手而言是菩薩衆中頗有菩薩能救
彼比丘苦不爾時衆中有一菩薩名曰華聚即從座
起偏袒右肩右膝著地合掌向佛而白佛言當以何
法勅彼袒荼羅爾時佛告華聚菩薩摩訶薩汝不知
耶我以諸佛祕法勅彼袒荼羅爾時佛告華聚菩薩
摩訶薩我當以摩訶袒持陀羅尼章句伏此波旬增
彼比丘善根汝今諦聽當爲汝說諸佛祕法華聚白

佛唯然世尊願樂欲聞如是妙法佛告華聚我今語
汝莫妄宣傳如是妙法當以神明爲證何以故名爲
神明善男子如是當有十二夢王見此一王者乃可
爲說爾時世尊即說陀羅尼章句

南無囉囉囉寫一 喘提易勤二 那伽耶彌三 莎呵四
哆囉囉一 蒲耆廩婆二 鬱波多毗耶三 蒲耆廩婆四
劣破羅五 阿菟那多囉囉六 阿菟那多囉囉七 復得
究追八 蒲耆廩婆九 莎呵十

說此法時有八萬四千菩薩任少分足地有二十六
萬比丘住辟支佛地復有三萬四千比丘得阿羅漢

經 大方廣七寶陀羅尼經卷第一 五 三七

果有七萬優婆塞發阿耨多羅三藐三菩提心有五百優婆夷遠塵離垢得法眼淨爾時華聚菩薩卽讚佛言

世尊身色如金山
猶如日光照世間
能拔一切諸苦惱
我今稽首大法王
世尊身相如大山
大慈無量護一切
我等受教成種智
除去慳貪離諸著
世王法王甚希有
如是妙法復過是
難見難聞亦難遇
若有觀者成正覺
世尊法力力中力
過於三界觀衆生

若有衆生至心聽
無有一人不得明
旣謂明者成正覺
度諸衆生無邊際
獨至道場爲天師
然後說法究竟樂
是時華聚菩薩旣讚佛已忽然不現卽往西方娑婆
世界到祇陀林中見雷音比丘爲九十二億天魔波
旬所蔽爾時華聚菩薩語袒荼羅言汝今云何欲壞
此比丘善根因緣耶

世尊威力甚無量
能壞一切諸外道
能破一切諸惡賊
能立一切諸善法
爾時魔王聞此語已甚大恐怖心驚毛豎卽時報言

吾爲世王 於世自在 能壞一切 諸善智慧
爾時華聚菩薩報魔王言

世尊智慧如虛空 能蓋一切諸惡法

我當伏汝如頻婆 汝若不信今當知

爾時華聚菩薩語雷音言汝今善聽當爲汝說伏諸
惡趣我當伏此波旬汝今因此當得證知諸佛方便
爾時華聚菩薩卽說陀羅尼章句

南無唵囉囉寫一 帶提易勤二 那伽叩彌三 莎訶四

說此法時有六百魔王禮菩薩足恭敬合掌曰菩薩
言有陀羅尼名曰自誓我等欲立如是陀羅尼唯願

聽許華聚言小住袒茶羅說時未至爾時華聚復說

陀羅尼句

哆囉咤一 蒲耆廩婆二 鬱波多毗耶三 蒲耆廩婆四

芴破羅五 阿菟那多囉咤六 阿菟那多囉咤七 復得

究追八 蒲耆廩婆九 莎訶十

說是法時有六百萬魔王波旬同皞而叫此何苦哉
受苦如是當云何離如是等苦爾時華聚卽告魔王
言汝若欲離如是苦者可發阿耨多羅三藐三菩提
心唯然大士我等發三菩提心華聚言善哉善哉時
諸魔王卽說陀羅尼言

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

南無摩訶浮陀呵 一南無摩訶離婆浮陀呵 二南無

華聚陀羅尼 三毗舍闍室収 四郁伽林 五檀吒林 六

窮伽林 七恒伽噤 八阿隸 九那隸 十那羅隸 十一莎訶

二十

爾時華聚讚魔王言善哉善哉佛子乃能受持摩訶

袒持陀羅尼章句當大利益無量魔衆爾時魔王歡

喜踊躍卽脫身上劫波育衣以用供養爾時諸衣積

如須彌以用供養華聚菩薩摩訶薩既供養已復白

華聚言我等十二大王當受持是摩訶袒持陀羅尼

章句復當供養受持經者如是人等若遭苦厄應當

稱我十二神王爾時華聚告魔王言其名云何魔王

言王名袒荼羅王名斤提羅王名茂持羅王名乾基

羅王名多林羅王名波林羅王名檀林羅王名禪多

林羅王名窮伽林羅王名迦林羅王名窮伽林羅王

名婆林羅如是等王各各唱言我等當受持讀誦陀

羅尼經攝救行者令其堅固三菩提心令獲善利爾

時華聚讚魔王言善哉善哉汝等今日發大勇猛汝

能受持擁護陀羅尼典及以行者不久當得成正

覺時諸魔王歡喜踊躍得未曾有卽從座起禮菩薩

足前後圍迭歡喜奉行陀羅尼典爾時雷音卽從座

經

大方廣陀羅尼經卷第一

言七

起合掌恭敬白華聚言善哉衆法聚士持此大方等
陀羅尼來以救我令我增壽法中生心譬如死者死
已還生我今亦復如是汝今卽是法中雄猛是諸法
母令我堅固法心生身華聚言我非是諸法母如是
陀羅尼乃可爲母亦可爲父汝當受持此陀羅尼爾
時雷音白華聚言我向來時世尊與無量大衆前後
圍遶而爲說法爾時華聚問雷音言其名云何答曰
名釋迦牟尼慈悲普覆無量衆生如汝無異也大慈
無量亦喻於汝救攝一切地獄之厄與無量樂我等
二人可共至彼供養世尊當獲善利作是語時時虛

空中有八十二億仞利諸天作天妓樂燒香散華供
養華聚爾時虛空衆中有一天王名摩訶伽賴奢告
諸天衆此二大士欲興大法我等往彼可得正聞諸
佛甘露時二大士卽從座起整衣服已與諸魔衆及
諸天人涉路而去爾時諸天卽從二人往詣祇洹爾
時世尊遙聞天樂從禪定起告阿難言往至外聽此
爲何聲爾時阿難奉世尊教卽往外聽見有二人與
無量大衆前後圍遶猶如金山來詣祇洹爾時阿難
還祇洹中長跪合掌而白佛言外有二人身如金山
微妙無比喻如日光能照一切內外明徹爾時阿難

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

經

大方廣華嚴經

卷

第七

所言未訖華聚菩薩放大光明普照十方無量世界
靡不周徧觀斯光者無不解脫爾時華聚每自思惟
以何為證作是念已爾時娑蕤從地獄出將九十二
億諸罪人輩尋光來詣娑婆世界十方世界各將九
十二億諸罪人輩亦復如是尋光來至娑婆世界爾
時無量無邊大衆前後圍遶到祇洹中見釋迦牟尼
佛及以見此二大賢士在佛左右爾時舍利弗見是
大衆心中有疑五百大弟子及諸大衆心各有疑爾
時舍利弗知衆心疑自亦未了即從座起徧袒右肩
右膝著地而白佛言世尊如是大衆從何方來忽然

到此祇洹林中世尊如是菩薩昔所未見而今見之
如是天人昔所未見而今見之如是魔王昔所未見
而今見之如是罪人昔所未見而今見之如是菩薩
天人魔王地獄之人今從何方忽來到此爾時世尊
默然不答爾時文殊師利語舍利弗言善男子如是
大衆我今當說汝今諦聽是菩薩者名曰華聚了達
方便從東方來來詣佛所是諸天等即是此界初利
諸天來到佛所是諸魔衆即是此界諸魔衆也是諸
方罪人第一首者名曰娑蕤汝今當知世尊未出世
時此人造不善行入於地獄經歷受苦汝不聞耶此

經

大方廣華嚴經

卷

第七

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

經

五不淨觀經

一

七

華聚菩薩摩訶薩放大悲光因此光明得從阿鼻大地獄出而來至此舍利弗言此婆藪仙人久聞佛說作不善行入於地獄云何今說婆藪仙人出於地獄得值如來至真等正覺及與他方諸罪衆生來詣此間况婆藪耶佛說一人作不善行令衆多人出於地獄此事難信是義云何文殊師利唯願少說可得令我離諸疑惑佛告舍利弗善哉善哉善問是事諦聽諦聽當爲汝說舍利弗言唯然世尊願樂欲聞佛告舍利弗善男子莫作是說如是大衆皆有因緣來詣我所略有三事第一衆者非思議菩薩魔衆欲令我

說大方等陀羅尼故欲令我顯未曾有方便故故來蔽此雷音比丘雷音比丘善根因緣我今當說汝等諦聽舍利弗言唯然世尊願樂欲聞善男子第二衆者華聚菩薩及忉利天所以來詣我所欲顯此陀羅尼威神力故又欲顯揚十方諸佛神通力故以是因緣來詣我所善男子第三衆者爲欲破一切衆生定受果報故如是諸衆以是因緣來詣我所善男子莫作是說婆藪仙人是地獄人也何以故汝今諦聽善男子婆者言天藪者言慧故言婆藪如是天慧之人云何究竟受地獄苦終無是事復次善男子婆者言

經

五不淨觀經

七

七

廣藪者言通廣通一切法者云何究竟入於地獄終無是事復次善男子婆者言高藪者言妙於一切方便中此人高妙高妙之人云何究竟受地獄苦終無是事復次善男子婆者言離藪者言斷離斷一切諸苦惱者云何當受地獄苦也終無是事復次善男子婆者言善藪者言知如是善知一切法者云何當受地獄苦耶終無是事復次善男子婆者言剛藪者言柔剛柔之人云何究竟受地獄苦終無是事復次善男子婆者言慈藪者言悲如是慈悲之人云何究竟受地獄苦終無是事復次善男子婆者言力藪者言

善力善之人云何究竟受地獄苦終無是事復次善男子婆者言神藪者言通神通之人云何究竟入於地獄經歷受苦終無是事復次善男子婆者言相藪者言好有相好者云何究竟入於地獄終無是事復次善男子婆者言總藪者言持總持方便者云何入於地獄究竟受苦舍利弗此事衆多吾今略說說有十事婆藪因緣若當廣說二字名號此義衆多窮劫不盡善男子莫作是說婆藪仙人而在地獄究竟受苦善男子作是說者則爲謗此上陀羅尼及謗金色身乃至謗彼寶王如來及謗此華聚菩薩摩訶薩

及謗十方三世諸佛是人必入地獄無疑何以故謗
上陀羅尼故謗一切諸佛故必入地獄而無疑也善
男子莫作是說婆藪仙人而在地獄爾時舍利弗白
佛言世尊曾聞佛說婆藪仙人入於地獄終無出期
所以敢發如斯問耳世尊婆藪仙人何時入於地獄
願佛解說善男子我昔在於兜率天上此婆藪仙人
在閻浮提與六百二十萬賈客爲作商王將諸人等
入海採寶往到海所乘彼海船漸漸深入而取珍寶
得諸寶已載以海船欲還本國於其中路值摩竭魚
難水波之難大風之難又值夜叉之難如是六百二

十萬人卽時各許摩醯首羅天人各一牲爾時諸人
便離四難還到本國到本國已卽各牽一羊欲往天
寺爾時婆藪默作是念我今云何作衆商王教諸商
人作不善事我今當設方便濟是羊命卽化作二人
一者古出家沙門二者在家婆羅門時婆羅門於衆
人中作是唱言天主與六百二十萬人欲往天寺爾
時沙門於其中路逢見此婆羅門沙門問言汝與是
大衆欲往何方在家人言我欲往天寺而求大利沙
門言吾觀汝等欲得大衰云何大利如是次第諍訟
不止爾時衆人問婆羅門言此是何人形貌如是婆

羅門言此名古時沙門諸人問言沙門何言婆羅門
言彼作是說殺生祠天當得大罪衆人語婆羅門言
此癡沙門何用是言速往天寺當得大利爾時婆羅
門言我等大師今在天寺無事不達可共請問爾時
諸人可言善哉沙門與婆羅門及諸人等前後圍遶
到大仙所爾時沙門問大仙言殺羊祠天當得生天
入地獄乎大仙答言何癡沙門殺生祠天而墮地獄
沙門答言不墮耶婆藪言不也沙門言若不墮者汝
當證知爾時婆藪卽時陷身入阿鼻地獄爾時諸人
見是事已嗚呼禍哉有如是事大仙聰智今已磨滅

入於地獄況復我等而不入於地獄耶爾時衆人
各放諸羊退走四方到諸山中推覓諸仙旣得仙已
而受仙法二十一年各各命終生閻浮提我於爾時
從兜率天下生閻浮提白淨王家爾時六百二十萬
人生舍衛國得受人身汝不知耶我於昔時始到舍
衛國所降伏六百二十萬人令其出家發三菩提心
豈異人乎卽往昔賈客等是也善男子婆藪仙人有
如是威神之力化如是諸人來至我所云何言是地
獄人耶復次善男子婆藪仙人入地獄已至於十方
大地獄中化諸極苦衆生等類令發善心發善心已

求出地獄華聚菩薩從東方來至此娑婆世界放大
光明是諸罪人尋光來至娑婆世界得值於我因本
善心故來至我所爾時文殊師利讚婆藪仙人言善
哉善哉大士有大方便能化如是受苦衆生來至我
所不久當離一切諸患爾時五百大弟子遠離疑惑
歡喜奉行爾時雷音卽從座起偏袒右肩右膝著地
叉手合掌而白佛言世尊我向徃至林中每自思惟
世尊徃昔難行苦行入諸禪定修大悲心得悲心已
救諸衆生令出三有而得涅槃我今亦應入諸禪定
應修慈悲四無量心亦應遠離諸煩惱賊亦應遠離

一切世間諸難作是念已欲入陀羅尼門此衆魔
來覆蔽我如是思惟令我不得正念嗥吼而叫叫已
未久時華聚菩薩忽來我所我亦不覺如是菩薩來
到我所降魔怨已我卽忽然顧視四方見華聚菩薩
在我前立復見十方諸佛各乘七寶蓮華在虛空中
見諸魔王叉手合掌恭敬圍遶華聚菩薩我於爾時
謂是魔王聞空中聲而謂我言汝今云何不知恭敬
如是大士雷音言我聞此語已卽從座起頂禮足下
欲視其目見虛空中有諸天王以種種名華而以供
養爾時諸天卽以種種名華持以與我我得華已卽

以供養華聚菩薩摩訶薩我卽白言祇洹有佛名釋迦牟尼我等二人可共供養而得大利聞此語已答言善哉我等卽從座起與此二衆來至佛所世尊此事衆多我今略說世尊證知唯願世尊敷演解說此菩薩所來方土有何因緣來已救我爾時佛告雷音善男子如是菩薩者是汝往昔善知識也供養十方恒沙諸佛於諸佛所了達方便深入諸陀羅尼門能深觀察諸佛境界知衆生性根之利鈍善男子東方有佛名曰寶王世界名衆香離此世界二十萬億佛土此菩薩而從彼方來至此間欲令我顯往昔大方

便故汝今諦聽當爲汝說善男子過去有佛名栴檀華如來無所著至眞等正覺彼佛去世甚大久遠不可思議我於彼時如汝無異復次善男子時有一菩薩名曰上首作一乞士入城乞食食時有一比丘名曰恒伽謂乞士言汝從何來答言吾從眞實中來恒伽問言何謂爲實曰寂滅相故名爲眞實曰寂滅相中有所求耶無所求耶上首答言無有所求曰無所求者當何用上首答言無所求中吾故求之曰無所求中何用求爲答言有所求者一切皆空得者亦空著者亦空實者亦空來者亦空語者亦空問者亦

空寂滅涅槃亦復皆空一切虛空分界亦復皆空五
爲如是次第空法而求真實恒伽曰實何用求汝言
一切萬法亦復皆空何用求爲答曰以空空故爲實
問曰菩薩今當於何而求實法答言當於六波羅蜜
中求問曰何謂爲六所謂檀波羅蜜尸波羅蜜羼提
波羅蜜毗梨耶波羅蜜禪波羅蜜般若波羅蜜上首
說已爾時恒伽歡喜踊躍卽時頭面敬禮上首足下
而便問言當以何食供養此人上首答言當以須陀
味供養此人爾時恒伽卽詣都市而自唱言吾欲賣
身誰欲須者爾時衆中有一居士名毗奴律卽來問

我言吾欲買之汝索何等恒伽報言索須陀那羅曰
當索幾枚恒伽報言欲須五枚爾時居士卽數五錢
買此道人以充供使爾時恒伽白大家言我身屬汝
假我七日欲供養上首比丘爾時居士告恒伽言吾
當將汝示於宅舍放汝令還爾時恒伽見舍宅已涉
路而還見此上首乞食未得卽將上首到都市中買
百味飲食旣買食已將到一寺寺名四王設施種種
牀座種種香華供養上首復設種種飲食而以供養
或以種種妙供而供養之爾時上首告恒伽言善男
子今正是時汝今諦聽當爲汝說一切諸佛受行實

經

法苑珠林卷第...

十

十

法爾時上首廣為恒伽說受行實法應受如是陀羅尼章句

哆囉咄一蒲耆廩婆二鬱波多毗耶三蒲耆廩婆四

劣破羅五阿窻那哆囉咄六阿窻那哆囉咄七復得

究追八蒲耆廩婆九莎訶十

南無囉囉囉寫一帶提易勤二那伽耶彌三莎訶四

南無摩訶浮陀呵一南無摩訶離婆浮陀呵二南無

華聚陀羅尼三毗舍闍室收四郁伽林五袒吒林六

窮伽林七恒伽噤八阿婁九那婁十那羅婁十一莎訶

十一

爾時恒伽歡喜踊躍而問之言云何奉持諸佛實法爾時上首告恒伽言若有善男子善女人願欲聞者汝當夢中任其人前當現汝身是人若見汝身汝當教行如是實法問曰當云何行耶答恒伽言若欲行時七日長齋日日三時洗浴著淨潔衣坐佛形像作五色蓋誦此章句百二十徧遶百二十匝如是作已却坐思惟思惟訖已復更誦此章句如是七日爾時恒伽即問上首當用何日善男子要用月八日十五日行此法時若衆生犯五逆罪身有白癩若不除差無有是處若優婆塞犯三自歸至於六重若不還生

經

大方廣陀羅尼經卷第...

七

七

無有是處若菩薩二十四戒沙彌十戒式叉沙彌尼
戒比丘戒比丘尼戒如是諸戒若犯一一諸戒當一
心懺悔若不還生無有是處除不至心復次善男子
爾時上首廣爲恒伽說二十四重戒名若有菩薩饑
餓衆生來詣其所求飲食卧具不隨意者名犯第一
重戒若有菩薩媠欲無度不擇禽獸者是名犯第二
重戒若有菩薩見有比丘畜於妻子隨意說過者是
名犯第三重戒若有菩薩若見有人憂愁不樂欲自
喪身更以已意增他瞋恚敗他命根猶若有人以火
增火悉燒一切物者是名犯第四重戒若有菩薩出

於精舍到於曠路得值財寶隨意取者是名犯第五
重戒若有菩薩見他瞋恚欲害他命更以美言讚他
瞋恚者是名犯第六重戒若有菩薩見他瞋恚若聞
瞋恚欲燒僧坊若不盡心諫彼惡人者是名犯第七
重戒若有菩薩若見有人若聞有人犯於重罪若是
菩薩應密呼彼人來詣其所我有良藥漑汝戒根能
令還生彼若不來汝應三呼若不至三是名犯第八
重戒若有菩薩見聞有人犯於五逆應往彼所作如
是言此非正法汝非梵行莫作是行若不爾者是名
犯第九重戒若有菩薩見聞他人欲興大善事更起

經
卷七
七

瞋恚壞他善慧者是名犯第十重戒若有菩薩見有他人耽飲嗜酒當以已情叱呵他人除自因緣此非梵行是名犯第十一重戒若有菩薩見聞有人姪他婦女往他正夫所作如是言此人犯汝汝可視之者是名犯第十二重戒若有菩薩視他怨家作怨家想者是名犯第十三重戒若有菩薩見他視怨如赤子想往彼人所作如是言何以故視此人如赤子此非吉相是名犯第十四重戒若有菩薩見他聚鬪往至其所佐助氣力搗打諸人者是名犯第十五重戒若有菩薩見有他人伏匿之事發舒俳說語諸四輩彼

人不喜使他瞋恚者是名犯第十六重戒若有菩薩見聞他善事云都不得作是言者是名犯第十七重戒若有菩薩行於曠路見有他人營諸塔廟若復有人營諸精舍若有不佐助者是名犯第十八重戒若有菩薩見聞有人離善知識親近惡友終不讚言汝爲善吉離彼惡友親近善友者是名犯第十九重戒若有菩薩於旃陀羅處若惡人處若惡狗處聲聞二乘人處如是諸難悉不得往除已急事是名犯第二十重戒若有菩薩見聞疑殺卽自思惟食此肉者斷大慈種當獲大罪言不見聞疑殺食都無患者是名

犯第二十一重戒若有菩薩見聞疑殺作不見聞疑殺若不食此肉者卽違三世諸佛寶藏亦違三世諸佛之恩以此人爲尊者名犯第二十二重戒若有菩薩解於方便知衆生根若謂不說當獲罪報者是名犯第二十三重戒若有菩薩持此戒時若見華聚若見虛空藏若見觀世音若見一一諸菩薩者如是見不見等及餘諸見悉不得向人說我見如是法王子等若言見者此人現身得障道法得白癩病或時愚癡或時青盲或時目眩妄想分別諸佛法要得遇疾病謗此戒者殃負如是持此戒時若口言向外宣

傳我見此事若不言者於七日中其餘已外亦不得言善男子是名菩薩摩訶薩二十四戒善男子在在處處莫妄宣說諸佛祕法善男子一切諸佛悉由此戒成等正覺過去諸佛亦因此戒成等正覺未來諸佛亦復如是爾時恒伽白上首言若有刹利婆羅門毗舍首陀得受此戒不上首荅言如是諸姓得受此戒恒伽白言當云何受如是妙戒上首言受此戒時應請一比丘解此戒相者請諸衆僧隨意堪任不問多少復應請二十四形像若多無妨作種種餽餼飲食供養衆僧及此比丘五體著地在形像前及諸尊

僧至心禮敬唱如是言

諸佛色藏諸衆僧

我今歸命受尊戒

衆僧弘慈當證知

復更唱言

法中雄猛微妙尊

聽我演說受此戒

爾時此人應自口說了知戒已而更三請

而已淳熟此戒性

盡性形段而受持

諦聽諦受而莫犯

持此戒者隨意生

恒伽盡菩提性菩薩摩訶薩自聞此戒受此戒時法

應如是

大方等陀羅尼經卷第一

大方等陀羅尼經卷第二

北涼沙門釋法衆譯

初分餘

善男子汝若未了此事當更爲汝略說往昔因緣本
事善男子爾時上首重告恒伽言過去有佛號梅檀
華至真等正覺國名梅檀香彼佛於中成等正覺國
王名寶梅檀其王有弟名曰林果爾時大王有九百
九十九子是諸王子治世暴惡不順律行其王大吉
常以諸善順化衆生得究竟樂爾時大王及弟林果
卽坐思惟曾從九十二億恒河沙諸佛受此妙戒今

我復應持此妙戒攝我諸子使得正見作是念時十方無量億千那由他恒河沙等諸佛異口同音而讚大王善哉善哉大王及弟林果乃能受持如是妙戒欲攝受諸子爾時大王及弟林果聞諸佛聲卽從座起顧視四方旣見諸佛卽前禮足却任一面卽召諸子爾時諸子往到父所見諸佛已各禮佛足却任一面卽白父言欲何所勅爾時大王與弟林果告諸子言汝等知不我有妙戒曾從無量億千那由他諸佛受是妙戒汝等今能受此戒不爾時諸子歡喜踊躍頂禮父足叉手合掌瞻仰父目而報父言唯然慈父

我等能受如是妙戒爾時大王及弟林果現其神力令諸子等得見十方無量億千那由他恒河沙等諸佛住在虛空爾時諸子各禮佛足求受妙戒爾時諸佛默然許之是時諸子如是第二第三請已爾時諸子各自燒身經八萬四千劫供養諸佛已復從地起瞻仰諸佛求受妙戒爾時諸佛卽授諸子如上妙戒善男子爾時上首告恒伽言欲知爾時諸王子最上首者今則我是欲知諸王子中第二者豈異人乎今則汝是也善男子爾時上首說此法時時虛空中有九十二億諸天得任無生法忍復次善男子爾時上

首廣爲恒伽演說如是大利益法爾時恒伽歡喜踊躍受是妙戒善男子如是等人是汝往昔善知識也是故我今當爲汝說善男子爾時上首者今則華聚菩薩是欲知爾時恒伽者豈異人乎則汝身是爾時栴檀王者今東方寶王佛是欲知爾時林果者則我身是欲知爾時諸子者今賢劫千佛是爾時九十二億諸天者豈異人乎今此九十二億諸魔王是善男子如是諸魔王欲令汝憶念本所修行善業力故又欲令我說往因緣故故來蔽汝又欲令我說大方等陀羅尼經救攝當來苦惱衆生故以是因緣故來燒

汝爾時五百大弟子菩薩摩訶薩衆優婆塞優婆夷居士居士子天人魔王婆藪大士及以夜又如是大衆歡喜踊躍頂戴奉行爾時佛告阿難汝聞諸佛實法以不唯然世尊今日乃聞如是章句甚深法藏甚爲希有能離一切地獄餓鬼諸天人等一切衆生無不解脫能滅一切諸罪業報爾時佛告阿難善男子快說是語如汝所言真實不虛此經若我在世若去世後此經在闍浮提猶如日光照明世間衆生遭恩得見四方又如諸山須彌最高若居其頂卽皆得見四方之事此陀羅尼經亦復如是諸法中高見諸法

相又如大海而無邊底此陀羅尼經亦復如是而無邊底所得功德亦無邊底善男子吾以如是無邊法藏付囑於汝汝可護念修行受持爾時阿難白佛言世尊若如是者我不堪任修行受持如是經典何以故此法甚深無邊際故此經最高如須彌故非是聲聞之所能持何以故難得邊際故非我知故以是因緣我不堪任受持修行如是經典爾時佛告阿難於汝意云何假使有天名矜恒伽居非想非非想上身長一由旬若二由旬至於九十由旬若八百由旬如是等天而無一善唯有諸惡圍遶此身若以頭髮牙

齒爪皮毛孔一一出火能燒一切善男子此天假使下閻浮提若到山谷叢林若到泉源河池之處城邑聚落是天惡力身中出火能燒一切三千大千世界善男子假使當有如是等事寧可畏不阿難白言甚可畏也世尊假使有如是苦當云何滅耶善男子汝今若畏如是苦者汝當修行受持讀誦大方等陀羅尼經假使當有如是諸火變成種種七寶蓮華善男子以是因緣當知此經有大威神功德之力能滅如是無量惡咎復次善男子且置此事若有一象一身十頭頭有二牙身有四足如是等象世間暴惡日日

食時而不擇處於其日日食中有四生衆生如是惡象悉皆食噉其中衆生若有覺者跳騰突走而永得脫若當不覺此惡象者必爲所食善男子如是等象寧可畏不阿難白佛可畏世尊若有衆生能壞如是惡象心不佛言有阿難言何人是也善男子若有修行此陀羅尼者卽其人也若有受持讀誦卽是其人復次善男子假使有蛇受性甚惡此蛇所至到處若值衆人一切有命之屬若聞其臭亦能害命若見其形亦能害命若到泉源叢林浴池諸產乳處能悉枯涸若衆生類若聞此名口瘧不言善男子如是等事

寧可畏不阿難白言可畏世尊頗有四生衆生能滅如是等苦不佛告阿難善男子有阿難白言何人也是也佛告阿難若有善男子善女人修行受持讀誦此陀羅尼者卽其人也復次善男子若復有龍居在世間此龍受性極大暴惡若見人類若畜生類及以樹木五穀叢林濕生卵生等如上惡龍若見如是一一諸事橫生瞋恚又能吐火又能吐水頗有人能滅是上諸惡不善男子若國邑聚落但有一人已曾受持讀誦修行陀羅尼典如上諸事悉皆消滅無量衆生遭此人恩而得安隱善男子以是因緣當知此經有

無量威神功德之力以是因緣我今語汝受持此經
我去世後此經若在閻浮提內卽是衆生大珍寶也
若能修行受持讀誦當知是人全用寶者若復有人
但能讀誦當知是人得中分寶若以種種塗香末香
華繒旛蓋而供養者當知是人得下分寶善男子吾
今爲汝說下分寶因緣之相善男子若有一人神通
無量如文殊師利亦喻於我辯才無礙喻我二人於
一劫中常以辯才能爲無量無邊衆生說法令任一
生補處菩薩摩訶薩復盡神通以種種衣服卧具飲
食湯藥供養是諸菩薩是人福報寧爲多不阿難曰

言甚多世尊善男子若復有人以塗香末香華繒旛
蓋以用供養此經典中一四句偈又若供養讀誦之
者此人功德復過於我二人所作何況盡形修行受
持讀誦者耶此人功德不可稱計若筭師若筭師弟
子筭數盡計百千萬分不能知一善男子且置此事
假使有諸菩薩一生當得作佛若百千萬億恒河沙
是諸菩薩盡神通力又盡辯才若一劫乃至百千萬
劫同入禪定如是無量菩薩欲思惟修行受持讀誦
此大方等陀羅尼經者百千萬分不及其一善男子
當知是經有大威神功德之力又是國中之大寶藏

世尊智慧如虛空

悉知衆生去來相

十方一切皆見聞

我當稽首衆寶王

爾時佛告五百大弟子衆汝等亦當各各作佛俱同一號號寶月王如來無所著至真等正覺爾時佛授五百大弟子記時十方三千大千世界所有枯竭泉源池水諸樹木等悉皆還生爾時三千大千世界六變震動諸梵天王及諸帝釋見此相已各共思量有何因緣現此瑞應爲大德天生爲授諸菩薩摩訶薩阿耨多羅三藐三菩提記耶爾時所有一切諸天卽往娑婆世界徃見釋迦牟尼佛已授諸聲聞大弟子

記卽時頭面禮世尊足禮已却住一面同聲讚言

世尊智慧甚深妙

能潤一切諸敗種

猶如蓮華真妙色

不著世間如虛空

爾時諸天說偈讚已佛告諸天子汝等不久亦當得阿耨多羅三藐三菩提成一切智是時佛告東方天子汝今諦聽當爲汝說成佛因緣東方有世界名曰離垢汝於此界當得阿耨多羅三藐三菩提成一切智佛告南方天子南方有世界名曰柔色汝於此界當得阿耨多羅三藐三菩提成一切智佛告西方天子西方有世界名曰妙色汝於此界當得阿耨多羅

三藐三菩提成一切智佛告北方天子北方有世界名曰衆難汝於此界當得阿耨多羅三藐三菩提成一切智天子曰佛言世界何故名曰衆難佛言彼界昔來未有佛故故名衆難佛告下方天子下方有世界名曰衆聲汝於此界當得阿耨多羅三藐三菩提成一切智佛告上方天子上方有世界名曰衆妙汝於此界當得阿耨多羅三藐三菩提成一切智佛告十方世界一切諸天子汝等亦當各各作佛爾時世尊授諸天子記時放大光明普照十方界大小鐵圍山爾時大小鐵圍山間所有餓鬼阿脩羅等無量億

千見此光明一一光頭各有化佛時諸化佛呼諸餓鬼汝等苦人可往闍浮提可服良藥是時餓鬼遙見釋迦牟尼佛坐師子座授諸天人阿耨多羅三藐三菩提記爾時衆中有一阿脩羅卽上高山呼諸餓鬼汝等苦人可往闍浮提得聞諸佛甘露法味爾時諸鬼卽從此人往闍浮提見釋迦牟尼佛與無量大衆前後圍遶而爲說法爾時阿脩羅見諸大衆同瞻金色悉有三十二相八十種好是時阿脩羅而自念言何者是佛爾時世尊知其心念踊在虛空高七多羅樹坐寶蓮華時阿脩羅以偈讚佛

世尊面日如月王

能破一切諸黑闇

今復振濟於我等

我等歸命天中尊

爾時世尊告諸餓鬼汝等在此經於幾時時阿脩羅而白佛言我等遙聞九十二億諸佛已過今日乃得值天中王爾時世尊爲諸餓鬼說十二因緣爲阿脩羅說六波羅蜜說此法時阿脩羅等發阿耨多羅三藐三菩提心時諸餓鬼卽時脫身求索出家爾時世尊告善男子能於我法求索出家時諸善男子卽成沙門戒行具足爾時世尊爲諸比丘說摩訶袒持陀羅尼章句時諸比丘得阿羅漢三明六通具八解脫

爾時舍利弗白佛言世尊此經如是神力無量能使一切天人阿脩羅地獄餓鬼集至道場經力如是能救一切受持經人功德云何爾時佛告舍利弗吾向語汝何用問爲爾時舍利弗白佛言世尊受持此經者當以何供而供養之佛告舍利弗若有一人持頭目身體妻子婦兒象馬七珍以供養我不如有人能一禮拜此經卷者若復有人持四天下以積珍寶至于梵天以供於我不如有人與彼受持經者一食充軀若復有人於三千大千世界積於珍寶至於倒立世界以供於我不如有人持此章句一日一夜何況

盡形受持如是章句功德無量若復有人積於珍寶
遍至十方微塵等世界上至豎立世界盡供於我不
如有人持一四句偈轉教他人功德無量無邊佛告
舍利弗一切聲聞辟支佛等上至十住菩薩筭數譬
喻不能知彼受持經者少分功德爾時佛告阿難汝
聞如是功德聚不唯然世尊我向已聞且置此事吾
今當更語汝阿難汝今諦聽當爲汝說此經功德於
汝意云何一切十方所有蠅蚩之類若有一人解種
種語是諸衆生而以化之上至禽獸諸衆生類令得
人身復能令其信於三世是人功德寧爲多不阿難

白佛甚多世尊阿難若復有人書持此經一四句偈
此人功德復過於上百千萬分乃至筭數譬喻不能
到邊阿難且置此事若復有人於此經中聞於一偈
不驚不怖不生誹謗此人功德復過於上二分所作
亦以筭數譬喻所不到邊阿難且置此事若復有人
聞經歡喜若自書寫若使人寫若見他寫若聞他寫
心生歡喜此人功德復過於上三分所作阿難且置
此事若復有人辯才無礙如文殊師利法王之子化
於一佛世界衆生令其出家悉皆獲得四沙門果復
更有人如文殊師利復化百六十世界衆生或出家

者或得阿羅漢者或得辟支佛者或發阿耨多羅三藐三菩提心者於汝意云何是二人功德寧爲多不阿難白佛甚多世尊不可稱計不可度量阿難若有一人得聞此經歡喜踊躍至於道場修行七日此人功德復過於上一切所作一切波旬所不能伏阿難白佛言我與大衆歡喜奉行爾時文殊師利法王子菩薩摩訶薩在大衆中作是念言釋迦如來與無量大衆前後圍遶說此大方等陀羅尼經我今不知是義所趣今當請問所以者何天中尊王唯有如來乃能爲我解說是義作是念已卽從座起偏袒右肩右

膝著地恭敬合掌目不暫捨白佛言世尊如前所說先於王舍大城授諸聲聞記今復於舍衛國祇陀林中復授聲聞記昔於波羅柰授諸聲聞大弟子記世尊我今少有疑惑欲請問如來惟佛聽許爾時舍利弗問文殊師利法王子言世尊弘慈無量授我等聲聞大弟子記已不久當得阿耨多羅三藐三菩提成一切智各於世界如今世尊攝諸衆生常在道場世尊不虛所言真實故能第二第二授我等聲聞大弟子記我等必當如釋迦牟尼如來決定不虛無有疑也文殊師利於汝意云何我等當得阿耨多羅三藐

三菩提不文殊師利語舍利弗於汝意云何猶如枯樹更生枝不猶如山水還本處不猶如析石還可合不如焦穀種更生芽不如堆滴中可種子不如是諸事爲可得不舍利弗言不也文殊師利如上諸事實不可得文殊師利言若不可得者汝云何問我當得阿耨多羅三藐三菩提記心生歡喜是授記法無有形相無有言語無有去來無有喜悅無有得相乃無言語無有妄想分別諸法於授記法應作如是相可得如性夫授記法如虛空無色亦如虛空無形如浮雲無實如風無體如空以聞聲不見其形如水聚沫

無有實處如野馬飖乾闥婆城當知如是諸法無有實處夫菩薩摩訶薩授記法應如是觀諸法相若能如是觀者乃名受阿耨多羅三藐三菩提記舍利弗問文殊師利言若一切法性空者如來以何法授我等阿耨多羅三藐三菩提記耶文殊師利答舍利弗言如來以如如性授汝等記舍利弗言如文殊師利所說中無有如性汝今語我如來以如如性授汝等記文殊師利答舍利弗言如來授記不卽是如不離是如舍利弗言如上所說無有形相而今此法有形相無文殊師利言不有不無不離一不離二不離色

不卽色舍利弗言且置此事我近問汝文殊師利如
來三十二相有形相無文殊師利言不卽是形相復
不離形相是三十二相舍利弗言如來授我等三菩
提記寧虛妄乎文殊師利言不卽是虛妄不離是虛
妄舍利弗言當云何求文殊師利言如如性中求舍
利弗言此如如性當於何求文殊師利言於如來真
諦中求舍利弗言如來真諦當於何求文殊師利言
於如如性中求舍利弗言卽是如乎不卽如乎文殊
師利言不卽不離卽是如性舍利弗言卽是如乎不
卽如乎文殊師利言卽亦是如不卽亦如不卽不離

是名如性爾時舍利弗不識是何言不知以何答默
然而去詣本坐處爾時佛告文殊師利法王子言善
哉善哉佛子快說是語如授記法夫授記者應如是
觀是法性名爲授記時舍利弗在於佛前而自歎說
捨於聲聞辟支佛心還至本業佛告舍利弗善哉善
哉善男子乃能除捨聲聞辟支佛心還至本業而不
取著諸法性相不久當得阿耨多羅三藐三菩提說
此法時無量億千那由他大衆皆發阿耨多羅三藐
三菩提心爾時五百大弟子卽從座起頭面禮足而
白佛言世尊如佛所說行此法時當有波旬來壞是

人善根因緣云何而知爾時佛告五百大弟子衆此
魔來時凡有四十萬億來至人所發大惡聲梁棟搖
動放大惡風或時放火或時放水欲殺其人或時夢
中立其人前校拔其舌或時吐火噴人面上或時擊
山欲壓其人此人應答汝來甚善作是語時應默心
中誦摩訶袒持陀羅尼章句復應稱言南無釋迦牟
尼佛南無文殊師利法王子虛空藏法王子觀世音
法王子毗沙門法王子虛空法王子破闇法王子普
聞法王子妙形法王子大空法王子真如法王子如
是菩薩摩訶薩應念其名如是諸法王必徃其所擁

護是人令此人等身得安樂無諸苦惱是諸比丘若
值諸難應如是念諸王名字爾時阿難白佛言世尊
行者如是爲諸波旬如是恐怖諸王大慈能救彼人
當以何供供養諸王爾時佛告阿難波旬去已應作
種種香華塗香末香供養諸王作種種香泥塗其室
內彩畫之異口同音讚諸法王爾時觀世音卽入
其室若作道人若作沙彌式叉沙彌尼若作優婆塞
若作乞士若作餓狗來入其室若作僑客來入其室
至於此宿若作國王王子來入其室若作常見之人
來入其室爾時阿難白佛言世尊行此法時得衆多

人不佛告阿難十人已還阿難白佛言世尊行此法
時得營作及語笑不佛告阿難但得一心念摩訶袒
持陀羅尼句尚不容語笑諸惡穢念況得務耶佛告
阿難若有善男子善女人修行此經者若眼見無量
壽佛釋迦牟尼佛維衛佛式棄佛隨葉佛拘樓秦佛
拘那含牟尼佛迦葉佛過去雲雷音宿王佛祕法藏
佛是諸佛前至心懺悔當滅九十二億生死之罪此
人於三途永無有分生死漏盡即時得見現前諸佛
復更懺悔以種種香華幡蓋而供養之塗香末香亦
用供養如是供養已卽見十方妙樂世界如是見者

慎莫語人若言見者尚不得福況出生死還墮三途
經百千萬劫苦痛難處此人現身得白癩病又狂聾
瘂癡不知鹹淡不別好醜欲求聰明反得愚癡報阿
難白佛此行人者辭家出時當作何言佛告阿難此
人出時應如是語我欲修行陀羅尼典父母聽不若
言聽者我當出去如是語已心中默自念言我亦欲
捨婦兒家屬修行陀羅尼典趣向道場應如比丘法
修行淨行具於三衣楊枝澡水食器坐具行者如是
應畜至於道場如比丘法又復亦應受於六重如優
婆塞法捨惡律儀又受食時莫視女色但自念言我

心中毒箭當云何拔用視女色爲我從無始已來坐
視女色墮於三途無有出期應作是念觀諸六塵亦
應如是我諸弟子不應著此如是諸賊喪人善功阿
難吾故語汝勅我弟子莫共六賊而作朋友唐喪其
功阿難曰佛言世尊世尊向者所說謂爲放者若有
父母妻子不放此人至於道場當服何藥趣向道場
佛告阿難此人應父母前燒種種香長跪合掌應作
是言我今欲至道場哀愍聽許亦應種種諫曉亦應
隨宜說法亦應三請若不聽者此人應於舍宅默自
思惟誦此經典阿難曰佛當云何行佛告阿難此人

行時當淨其舍內燒香供養阿難曰佛此人行處女
人得到不佛告阿難到無所苦阿難曰佛復得捉此
衣不佛告阿難捉衣無苦但語我弟子勿著女色繫
心莫放逸亦如道場人法若能如是作淨行者於七
日中觀世音菩薩現其人前而爲說法若於夢中若
寤寐時現其人前道場無異若如是者應一心憶念
陀羅尼典若以散亂心者欲求人天得地獄報受苦
萬端無有出期假使得出爲人奴婢人所憎嫉衣食
不供常困飢渴無所不思令至心作若不至心後悔
無及阿難曰佛此人辭家出時剃除髮不佛言不也

阿難白佛若不除者云何語言具於三衣佛告阿難
言三衣者一名單縫二名俗服阿難白佛言世尊向
說一出家衣二在家服若在家者用三種不佛告阿
難一出家衣者作三世諸佛法式二俗服者欲令我
弟子趣道場時當著一服常隨逐身寸尺不離若離
此衣卽得障道罪第三衣者具於俗服將至道場常
用坐起其名如是汝當受持阿難白佛言若有善男
子善女人若有不受六重戒者得趣道場不佛告阿
難隨意堪任至於道場阿難白佛若有受者盡形受
分段受乎佛告阿難亦如上法隨意堪任受諸戒律

阿難白佛如向所說審爲爾不爾時七佛卽現其身
任阿難前語阿難言莫以聲聞小乘小智意隨諸衆
生起斷滅見過去諸佛都由此門成阿耨多羅三藐
三菩提此法是一切諸佛法門三世諸佛都由此門
成阿耨多羅三藐三菩提諸佛說已忽然不現阿難
自念向有七佛今在何所佛知其意卽時答言今在
東方阿難以汝起斷滅見故故來證汝阿難白佛審
定能除而無疑也佛告阿難如汝所言必定無疑阿
難白佛如是同行者有無見等有至心者乃能除此
無量諸罪若不至心當各何人佛告阿難是人名爲

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

經

大方廣阿羅尼經卷第一

一

不

少分得者阿難白佛此人命終當生何處佛告阿難
隨意所生阿難白佛隨意所生為大方等陀羅尼力
也為三界尊力耶佛告阿難非是我力乃是摩訶袒
持陀羅尼威神力能致眾生到安樂國阿難白佛
言若謂兩者我不堪任如是更問佛告阿難若我在
世若去世後其有誹謗此陀羅尼者汝今諦聽善思
念之吾當為汝分別解說謗經因緣阿難一切十方
世界破諸世界抹為微塵可知其數無有能知此人
罪報若比丘比丘尼優婆塞優婆夷諸修行佛法者
入我法中欲求種種人天果報欲求他方妙樂世界

返得眾苦患所以者何坐謗方等陀羅尼經故欲求
種智返得愚報欲求人天勝妙快樂返墮地獄究竟
苦報欲求尊王返得下賤欲求聰明返得闇鈍欲得
天眼返得盲報欲求子息返得獨報欲求身香潔返
得大臭臭惡之身欲求端正三十二相返得三十二
醜而自莊嚴欲求他方妙樂世界返得他方極苦地
獄欲求大富返得貧報阿難以是因緣我故語汝莫
謗此經我今略說如上罪報汝今諦聽當為汝說更
有罪報若有善男子善女人不解如來所說方等義
於此法中橫生誹謗而以妄想分別諸法或重生瞋

經

大方廣阿羅尼經卷第一

七

言八

此人命終入於東方阿鼻地獄經歷受苦八萬四千劫次第而受謗經罪報從地獄出已復有八萬四千鬲子而以圍遶阿鼻大地獄爾時此人從地獄出入諸鬲子亦經八萬四千劫一一鬲子復以十六鬲子而以圍遶亦復如是次第而入東南方南方西南方西方西北方北方東北方如是諸地獄一一而增劫數次第而受上至諸佛中至少分足人下至辟支此聲聞人如是諸大士力所不救從此出已當生世間餓鬼畜生蟲蟻蠅虱水蟲蝌蚪魚鼈之屬無一不遍假使爲人疥癩癰疽貧窮短命常生下賤眼目瞎暗

身體瘡惡諸根不具人所惡見假使來生豪族之處語言吃瘥促命不壽人所呵叱說其形貌過狀諸惡人所惡見常以呪詛令其早喪或時生世五根不具阿難此人先世皆由誹謗方等經故受業如是雖得人身諸根不完假使不遇善知識者如上所說次第還入是諸地獄如是地獄是其舍宅如是醜報是其衣服阿難當知是業不可以已情妄相而作令其精神受諸苦報阿難我故語汝無信人中莫說此經

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

大方等陀羅尼經卷第一

第一卷 浙江嘉興府平湖縣信士林漢李自新捐貲刻
大方等陀羅尼經一卷願天常生好人計八千三
百八十四該六兩零四分六厘梨板十一塊該
文願卷八分 順治乙未仲秋竺陽氏馮洪業驛升子鄒焯較

第二卷 浙江嘉興府平湖縣陳士賢捐貲四兩勿童徐
魁捐貲四兩刻此
大方等陀羅尼經一卷賢祈男陳策身安各遂魁
祈年永慧增計八千零一字該五兩七錢七分
一厘梨板十塊該八錢
文願 順治乙未仲秋竺陽氏馮洪業驛升子鄒焯較

大方等陀羅尼經卷第二

大方等陀羅尼經卷第三

北涼沙門釋法衆譯

夢行分第三

爾時佛告文殊師利法王子若我在世若去世後若
有善男子善女人來詣汝所欲求陀羅尼經者汝當
教求十二夢王若得見一王者汝當教授七日行法
文殊師利白佛言云何名爲十二夢王云何名曰七
日行法佛告文殊師利善男子若有善男子善女人
於其夢中修通能飛懸繒旛蓋從此人後如是見者
卽名袒茶羅若有善男子善女人於其夢中若見形

經

大方等陀羅尼經卷第三

一

言九

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

糸

本卷四卷之五

上

不

像舍利塔廟大衆僧聚如是見者卽是斤提羅若有善男子善女人於其夢中見國王大臣者淨潔衣單乘白馬如是見者卽是茂持羅若有善男子善女人於其夢中若見乘象渡於大江如是見者卽是乾基羅若有善男子善女人於其夢中乘於駱駝上於高山如是見者卽是多林羅若有比丘欲求此法於其夢中夢上高座轉于般若如是見者卽是波林羅若有比丘於其夢中到一樹下上於戒壇受具足戒如是見者卽是壇林羅若有比丘於其夢中坐佛形像請召衆僧施設供具如是見者卽是禪多林羅若有

比丘於其夢中見有一樹華果茂盛於其樹下入禪三昧如是見者卽是窮伽林羅若有大王於其夢中帶持刀劔遊於四方如是見者卽是迦林羅若有大臣於其夢中見有諸人持諸水甕洗浴其身全種種香著淨潔衣如是見者卽是窮伽林羅若有夫人於其夢中乘於羊車入於深水於其水中有諸毒蛇如是見者卽是婆林羅如是見者乃可爲說善男子若見如是一一事者乃可爲說七日行法爾時文殊師利白佛言世尊云何名爲七日行法云何受持云何修行如是等法爾時佛告文殊師利法王子言若有

經

大方廣華嚴經卷第三

二

言九

善男子善女人於初日分中至於道場應以塗香末
香梅檀沉水熏陸海渚岸香應以供養摩訶袒持陀
羅尼經爾時華聚菩薩觀世音菩薩來在道場爾時
二十異口同音而讚道場行者善哉善哉善男子善
女人等能於釋迦牟尼如來法中修行摩訶袒持陀
羅尼經爾時觀世音華聚菩薩在虛空中乘寶蓮華
與無量大衆前後圍遶文殊師利我故語汝語諸衆
生受持修行摩訶袒持陀羅尼經展轉相授用出三
界隨意得願若有清信士清信女應於初日分勸請
諸衆生趣於道場燒種種香懸繒幡蓋若有善男子

善女人欲求現在未來諸願者可以求之爾時二士
隨其根量與其現在未來諸願文殊師利如是行者
若有至心見此二士踊在虛空若不至心而悉不見
文殊師利若不見者謂不至心是名初日分陀羅尼
經復次文殊師利若有善男子善女人於第二日分
中在於道場應燒種種香塗香末香懸繒幡蓋而以
供養摩訶袒持陀羅尼經爾時復次寶王如來及與
我身從靈鷲山與無量那由他大衆前後圍遶來至
道場一一大衆各乘七寶蓮華種種音聲各各讚歎
道場行者善哉善哉善男子善女人等乃能於我去

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

系

三

三

三

世之後受持讀誦陀羅尼經即自惟念我能修行受持此經又時惟念十方三世諸佛如來受持此經我當隨學文殊師利我去世後如是來至道場行者我當隨其限量差別而為說法又有聞者有不聞者又見我形者有不見者不見不聞者除不至心而不見耳是名摩訶袒持陀羅尼經行分第二復次文殊師利若有善男子善女人於第三日分中在於道場而以懸繒幡蓋在於道場應以塗香末香栴檀沉水熏陸海渚岸香而以供養摩訶袒持陀羅尼經爾時當有維衛佛虛空藏菩薩摩訶薩於第三日分中來至

道場與無量大眾前後圍遶在虛空中亦復各各乘寶蓮華在虛空中或高七多羅樹放大光明普照十方所有佛土其中行者觀斯光已皆發阿耨多羅三藐三菩提心他方所有賢聖之人皆悉尋光來至道場爾時道場行者隨其根力或有觀者或不觀者有見形者有不見者隨其根量分別行力爾時此人聞佛所說如是行者歡喜踊躍得未曾有文殊師利是名摩訶袒持陀羅尼經行分第三復次文殊師利若有善男子善女人於第四日分中在於道場讀誦修行摩訶袒持陀羅尼經懸繒幡蓋都以雜色嚴此道

經

天竺經集卷之三

四

言九

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

經

大方廣華嚴經卷第三

四

十

場燒種種香塗香末香栴檀沉水熏陸海渚岸香而
以供養摩訶袒持陀羅尼經爾時復次式佛與無量
大衆前後圍遶來至道場在於虛空高七多羅樹放
大光明亦照十方微塵等世界其中衆生覩斯光者
無不了達而諸法性爾時道場之人不諂僞者今世
及過去世未曾犯根本罪者了見式佛在虛空中乘
寶蓮華爾時行人見式佛已頂禮足下爾時式佛即
以右手摩其人頂作如是言善男子善女人汝等不
久趣菩提樹破諸魔怨伏諸外道當獲總持與我無
異文殊師利是名摩訶袒持陀羅尼經行分第四文

殊師利若有善男子善女人於第五日分中在於道
場受持讀誦摩訶袒持陀羅尼經莊嚴道場懸繒幡
蓋燒種種香塗香末香栴檀沉水熏陸海渚岸香如
是諸香而以供養摩訶袒持陀羅尼經又無餘念我
當何時得隨陀羅尼門我當何時離三惡有我當何
時離於五蓋我當何時離於十纏我當何時離諸慢
憍及諸愚習如是等難何時當離如是等苦若作是
念時爾時隨葉佛在於虛空乘寶蓮華爲無量大衆
說諸法要爾時道場行者了了聞佛所說章句了不
忘失悉在心懷爾時道場行者若有覩者及無覩者

經

大方廣華嚴經卷第三

五

言九

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

系

天竺經卷之三

三

一六

乃至七日觀者乃至二七日不觀者乃至三七日觀者及不觀者衆生此業以不定故皆由先世罪業深淺文殊師利是名陀羅尼經行分第五復次文殊師利若有善男子善女人於第六日分中在於道場受持讀誦摩訶袒持陀羅尼經燒種種香塗香末香栴檀沉水熏陸海渚岸香如是諸香而以供養摩訶袒持陀羅尼經復次當有拘那含牟尼佛與無量天衆前後圍遶從餘四天下來至道場爾時行人了見拘那含牟尼佛及見七佛在於虛空一一諸佛各乘七寶蓮華座一一華座縱廣正等八萬四千由旬其華

離地亦八萬四千由旬爾時行人見是事已得未曾有歡喜踊躍爾時諸佛異口同音而讚行人善哉善哉釋迦如來弟子能於遺法受持讀誦摩訶袒持陀羅尼經至於道場不久當離三惡道分救攝衆生在於人天究竟快樂文殊師利我去世後此摩訶袒持陀羅尼經當於闍浮提饒益衆生文殊師利是名摩訶袒持陀羅尼經行分第六復次文殊師利若有善男子善女人於第七日分中在於道場至心禮敬摩訶袒持陀羅尼經莫作餘念但當志心諦聽諦受莫念妻子象馬七珍莫以妄想亂其善心令一生空過

經

天竺經卷之三

六

言七

無所得也唐喪其功不離諸苦文殊師利夫於行者
但應志心作如上念爾時當有十方一切諸佛在於
虛空一一諸佛或將一恒河沙者或將二恒河沙者
或將三恒河沙者或一萬恒河沙者或二萬恒河沙
者或三萬恒河沙者或十萬恒河沙者或二十萬恒
河沙者或三十萬恒河沙者或六十七十八十九十
乃至一百二百三百四百五百六百七百八百九百
乃至不可計不可數大衆集在道場爾時大衆互相
而視皆有三十二相身如閻浮檀金一一佛土各現
其前以種種珍寶間錯莊嚴一切諸國未有所得如

文殊師利法王子者在於虛空皆自驚疑每日思惟
何緣諸佛悉現如是清淨世界作是念時時我與文
殊師利及無量大衆前後圍遶往至道場隨其根量
而爲說法令其行人了見我身如其威神令其得見
虛空法座及清淨國界見清淨國界已歡喜踊躍得
未曾有卽發阿耨多羅三藐三菩提心而不退轉於
七日中便隨意生文殊師利是名摩訶袒持陀羅尼
經行分第七爾時華聚菩薩卽從座起偏袒右肩右
膝著地恭敬合掌而白佛言世尊我從東方妙樂世
界爲佛所遣來至救此雷音比丘令住堅固心如佛

所說不久當得成正覺度諸衆生無有邊際令得究竟住常定心我以憶念昔所造行故來詣此娑婆世界聽聞演說陀羅尼經復聞授諸聲聞五百大弟子記十方天子各現在前世尊自了何爲用說爲十方一切而見聞耶唯願聽我立大誓願護持此經佛告華聚善哉善哉善男子聽汝自恣立大誓願爾時華聚菩薩卽於佛前而自立誓作如是言世尊若有善男子善女人受持讀誦陀羅尼經者我從今日晝夜不離擁護是人令無惱患色力名譽皆悉具足世尊若賜我此願者我乃當取成正覺若有衆生遭

苦厄者我若不往救彼衆生令得本心我終不取成正覺若復有人修持此經至於道場若遭苦患稱我名字我不往救我終不取成正覺若有衆生憶念我名日夜六時念念不絕求生妙樂世界若不往生者我終不取成正覺若有衆生行陀羅尼者我當晝夜爲彼人說法令得歡喜若欲命終之日必定自知生妙樂世界無有疑也或令彼人遙見妙樂世界如觀掌中阿摩勒果所有一切好醜之事悉皆明達世尊若令一切衆生生妙樂世界者我乃當取成正覺若不往生於三途分不永斷者我終不取成

等正覺既生妙樂世界不離愚癡憍慢因緣習者我終不取成等正覺天中尊王若有衆生從生至老但作一念我當書寫陀羅尼經受持讀誦然後得生若謂得書若不得書若得讀誦若不得讀誦臨終之日我必往彼人所拔其精神令生妙樂世界世尊除二種人我所不攝一者謗方等經二者用僧祇物乃至一比丘物若用如是之物不令往生妙樂世界若有衆生被於官事愁憂不樂爲他所逼將向王所若在大火大水師子虎狼軍陣交戰迷在山谷不知道路若值如上諸難處者應當讀誦陀羅尼經百二十遍

復更百二十遍稱我名字南無華聚菩薩大士應如是唱我時與無量大威德諸天前後圍遶詣彼人所破彼諸難令無所患世尊若與我如上諸願者我乃當取阿耨多羅三藐三菩提若不聽許我終不取成等正覺爾時佛告華聚菩薩善哉善哉善男子汝慈悲無量欲以慈悲門攝取衆生示諸方便令無惱患隨意得生諸安樂國土爾時毗沙門天王卽從座起偏袒右肩右膝著地合掌向佛而白佛言世尊我爲鬼神將軍攝諸鬼神猶如世尊盡攝我等世尊今聽我等護持陀羅尼經不爾時佛告毗沙門天王快哉

鬼神大王欲護陀羅尼經者卽是三世諸佛之子卽
報三世諸佛之恩爾時毗沙門天王卽於佛前而自
立願世尊若有善男子善女人持陀羅尼經者有諸
惡人爲起衰患令其行人意散心亂不得讀誦修行
陀羅尼經我於爾時往彼人所令其惡人復得衰耗
或令水火盜賊縣官枉橫之事來逼其身或時致死
若不死者如是惡人若事仕宦不得高遷或令惡夢
麻油塗身宛轉土中或時於其夢中脫衣裸走牙齒
墮落頭白面皺眼孔瞎暗世尊我令其夢中醒寤見
如是事世尊我於爾時遣諸鬼神惱其舍宅令其惡

人得大重病或時致死世尊聽我如是護此經不爾
時世尊默然不答爾時華聚語毗沙門言世尊默然
卽爲可汝如上所言爾時阿難語華聚言我今問汝
可以答我莫如世尊默然可也爾時華聚語阿難言
隨意所問當以答汝爾時阿難語華聚言世尊何故
不默然授諸聲聞記所以者何默然是印可性者以
何因緣言語方便授諸聲聞弟子記耶爾時華聚語
阿難言如來有默然授諸聲聞記時或以言語方便
而以授之阿難如來授記不唯一途所以者何如來
諸法不定故方便衆多故智慧無量故世界無邊故

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

糸

之今日學糸卷三

一六

衆生行無邊故是故世尊更以方便授諸大弟子記爾時阿難語華聚言若爲諸法不定者十方諸佛亦應不定諸佛不定者十方世界亦復不定乎爾時華聚卽以右手接取西方妙樂世界舉著虛空猶如大士取阿摩勒果著於右掌無所妨礙爾時大衆遙見西方妙樂世界河池華樹莊嚴之事無不明了爾時大衆歡喜踊躍至心禮敬無量壽佛各各求生妙樂世界爾時華聚語阿難言於意云何諸法如是有定性無阿難答華聚言諸法如是有無有定性我不敢問諸法定相爾時佛告阿難汝等二大士不須紛紜諍

如是事何以故阿難於汝意云何三果之人入地獄不阿羅漢人受餓鬼形不乃至受畜生身不及邊地邪見諸難處不阿難白佛言不也世尊何以故阿羅漢人名離一切究竟患難若不離一切究竟患者不名阿羅漢耶善男子汝云何言一切法是不定相阿羅漢人永更不受如是等苦豈不定乎阿難白佛言世尊阿羅漢人得盡定智慧不佛言不也何以故阿羅漢分段般涅槃是故以不得究竟盡慧善男子夫於學者觀一切法任平等性不離有不離無不離有邊不離無邊不卽是邊不離是邊不卽是我不離於

經

大智度論卷之三

上

言九

我不卽是色不離於色不卽是受不離於受一切法者不可言定不可言無定若無定者應無三尊究竟解脫處當知是法卽有定性者若謂無者上無諸佛下無衆生是無定相雖復如是然不可言無不可言有若菩薩觀一切法著有著無相卽菩薩累若見衆生而生著相是菩薩累若離衆生亦菩薩累若著衆生行是菩薩累若離衆生行亦菩薩累若著我行是菩薩累若離我行亦菩薩累何以故菩薩常應如是住中道心得菩薩究竟慧善男子阿羅漢人都無是事無是事故不名究竟慧善男子所謂菩薩住中道

心汝今諦聽當爲汝說菩薩觀虛空如地觀地如虛空觀金如土觀土如金觀衆生非衆生觀非衆生而是衆生觀法而是非法觀於非法而是正法而是正法無有差別觀諸持戒與破戒等觀諸破戒如具戒相離於二邊住平等相破戒持戒應等心觀之上中下性亦應等心觀之觀有爲無爲法亦應等心觀之不讚大乘不毀小乘豪貴卑賤妙好醜陋諸根完具及與殘缺聰慧愚闇悉不讚毀善男子夫爲菩薩供養之法亦不選擇上諸事等是名菩薩住中道心究竟智慧善男子聲聞之人無如是事故無究竟慧亦

非究竟涅槃何以故未了法性故而不得究竟涅槃
復次善男子我於往昔作一居士受性憍恣而不推
求出世之典時有比丘執持應器來詣我所而從我
乞濟身之具時我答言沙門釋子汝從何方來詣我
所執鉢住此欲求索何復更而問汝何種姓爲上姓
中姓下姓乎復更而問汝以五法常學何律汝於十
二部經法常以學何復更而問汝以名何受性何如
汝於三業中常修何業欲求何處上中下乘汝何乘
所攝求究竟乎求分段也如是次第而問身便得患
而卽命終以是因緣今故語汝若以疏時莫擇上中

下姓實相世諦於有無法而不應問若謂問者卽名
菩薩著我人壽者亦著行者不名菩薩在中道心得
究竟慧善男子我今復更略說往昔因緣我於往昔
作一比丘時有居士設大施會請沙門婆羅門貧窮
下賤須衣與衣須食與食須珍寶與珍寶我時極大
貧而無所有我時望得財賄故往詣會所於其中路
見有大橋於其橋上見衆多人忽忽往來時諸人中
有一智者我以愚意問此人言此橋何人所作此河
從何所來今向何流復問此木何林所生何人所斫
何象所載青乎白乎黑乎何日所作此木松也栢也

柳也曲也直也有節無節也破此木斧何冶所出何匠所作此水鹹也苦也甜也深也淺也何用作此橋也善男子我於爾時次第而作七千八百問已爾時智者便答我言咄癡沙門居士請汝汝但涉路至於會所可得悅意後不生悔汝今捨問如是等事於身無利何用問爲如是等木何野所生何人所造何斧所斫咄沙門汝今速去還已語汝我時聞此語已涉路而去便到會所所食蕩盡財寶無餘我時見已懊惱結恨嗥聲叫言是何苦哉心口所失值如是苦還到橋上見所向人時人問言沙門汝云何憔悴如是

多不吉也我時答言以貧窮故往詣會所欲求衣服飲食所須之具於其中間以見於汝徒問無益之言使我不值飲食所須財賄以是因緣我心生惱爾時智者而答我言夫爲比丘於身無利而不應問何用問爲善士比丘汝以一誤失現在利從今已往於身無益而莫生問應觀諸法於身利者而應生問何謂爲利觀有爲法應以遠離此卽爲利觀世平等法而應親近此卽爲利不讚已不毀他此則爲利自以了達教他了達此卽爲利自以厭離世樂亦教他離此卽爲利自知於問無利者亦教他莫問此則爲利我

向了達知問無利我故語汝速往會所善男子爾時
智者說此法時初利諸天九十二億在虛空中聽智
者所說卽發阿耨多羅三藐三菩提心時五百居士
遠塵離垢得法眼淨我於爾時使入陀羅尼門善男
子我因是已來得入究竟慧在中道心阿羅漢都無
是事云何而得究竟慧也而毀大乘讚諸小乘是故
不得究竟慧耳爾時阿難白佛言世尊如是人者今
何所在受是果報經幾劫乎佛名云何劫名何等其
王名何佛告阿難善男子吾今可以譬喻語汝設有
一人身力無量抹三千大千世界盡爲微塵善男子

且置是事此人復卽取十方微塵等三千大千世界
亦抹爲塵如是次第十方恒沙世界亦抹爲塵可知
其數不阿難白佛言世尊一世界乃至百世界尚不
可數況微塵數也善男子如是世界可知其數彼佛
去世後復過於佛號栴檀華如來至真等正覺國
名尊帝劫名淨持王名栴檀果栴檀華佛生彼王宮
成等正覺而取涅槃次後有佛名釋迦牟尼如是次
第二萬億釋迦牟尼佛吾悉供養最初佛者令我堅
固陀羅尼豈異人乎今則文殊師利法王子是爾時
居士設法會者今華聚菩薩摩訶薩是爾時五百居

系
士者今則五百大弟子是爾時王子菩薩居士優婆塞優婆夷天龍夜叉乾闥婆阿脩羅五百大弟子無量大眾及與阿難歡喜奉行

大方等陀羅尼經卷第三

浙江嘉興府平縣信士張翼宸捐貲刻此
大方等陀羅尼經一卷專祈先考行采先妣
馬氏早登蓮界家室康寧計六千零一百八該
四兩四錢零一厘梨板八塊該六錢四分
順治乙未仲秋竺陽氏馮洪業曠升子鄒煒較

大方等陀羅尼經卷第四

北涼沙門釋法衆譯

護戒分第四

爾時文殊師利卽從座起偏袒右肩右膝著地白佛言世尊若有比丘世尊去世之後若毀四重若比丘尼毀犯八重若菩薩若沙彌沙彌尼優婆塞優婆夷若毀如是一一諸戒所犯重罪當云何滅佛言善哉善哉文殊師利乃能請問如是等事汝慈悲勝故能發是問汝若不發是問我終不說彼惡世比丘所犯之過善哉善哉文殊師利汝今諦聽當爲汝說我去

世後若有惡律儀比丘毀四重禁默然而受檀越供養而不改悔當知是比丘必受地獄苦而無疑也我今當出良藥救彼比丘重病我去世後毀四重禁羞不發露汝今諦聽當爲汝說

離婆離婆帝 仇呵仇呵帝 陀羅離帝 尼呵羅

帝 毗摩離帝 莎訶

文殊師利此陀羅尼是過去七佛之所宣說如是七亦不可數亦不可計說此陀羅尼救攝衆生現在十方不可計不可數七佛亦宣說此陀羅尼救攝衆生未來不可計不可數七佛亦宣說此陀羅尼救攝

衆生汝今請問陀羅尼義我已說竟以此陀羅尼經救攝未來世惡律儀比丘令其堅固住清淨地善男子若有比丘毀四重禁至心憶念此陀羅尼經誦一千四百遍誦一千四百遍已乃一懺悔請一比丘爲作證人自陳其罪向形像前如是次第經八十七日勤懺悔已是諸戒根若不還生終無是處彼人能於八十七日勤懺悔已若不堅固阿耨多羅三藐三菩提心亦無是處又文殊師利云何當知得清淨戒善男子若其夢中見有師長手摩其頭若父母婆羅門耆舊有德如是等人若與飲食衣服卧具湯藥當知

是人住清淨戒若見如是一一相者應向師說如法除滅如是罪咎復次善男子所謂比丘尼毀八重禁者若欲除滅八重禁罪先請一比丘了知內外律者陳其罪咎向彼比丘比丘應如法而教此內外律所謂

阿隸離婆其羅帝 一 羅帝婆 二 摩羅帝 三 阿摩羅帝 四 莎訶 五

善男子此陀羅尼若有讀誦受持如法修行九十七日日誦四十九遍乃一懺悔隨師修行是諸惡業若不除滅終無是處善男子汝若不信吾今為汝略說

我昔愚行業因緣故十方虛空法界及大地土山河叢林盡末為籌大如微塵尚可知數除諸佛等無人能知我所犯戒十方無邊我所犯戒亦復無邊微塵無數我所犯戒亦復無數衆生無邊我所犯戒亦復無邊方便無邊我所犯戒亦復無邊法性無邊我所犯戒亦復無邊善男子我觀如是等業甚為可畏上至菩薩下至聲聞不能救我如是等苦我即思惟如是事已便推求此陀羅尼典得已修行九十七日讀誦四十九遍聞空有聲而謂我言善哉善哉善男子乃能推求此陀羅尼典我時聞已顧視四方見有諸

佛羅列在前一一諸佛手摩我頭聽我悔過善男子
以是因緣我去世後若有比丘尼犯入重禁應當求
此陀羅尼典讀誦修行若於夢中見如上事知彼比
丘尼任清淨地具清淨戒復次善男子若有菩薩受
入重禁然後毀壞狂亂心熱欲自陳說無所歸趣無
能滅者如是罪咎僧以和合令出境界應大怖懼此
人應任一空靜室塗治內外極令鮮淨請一比丘了
知內外一部律者應自陳過向此比丘作如是言僧
今擴我來至此間我今請師亦來此間此師應教淨
律之法所謂

婆羅隸 仇那羅隸 阿那羅隸 其那羅隸 伽

那隸 阿隸那隸 阿帝那隸 阿帝那隸 莎訶

善男子如是陀羅尼者卽是三世諸佛之所護持亦
是三世諸佛之所祕藏善男子吾昔未說今已說之
昔所未作今日已作昔所未聞今日已聞聞此三因
方便已令諸衆生遇此三因方便者速出三界如盲
者見日如嬰兒得母如鳥出殼如飢人得食如縛者
得脫如寒者得火如裸者得衣如迷者得路如渴者
得水善男子我此法味亦復如是若久任世間若一
劫若減一劫爲諸衆生受持讀誦解說其義爲愚者

聖王 大智度論卷之九 四 信十

說當知是人與我無異住清淨地是人應於我生難
遭之想自陳罪咎若罪不滅終無是處文殊師利白
佛言世尊此陀羅尼者應讀幾遍修行幾日乃當止
耶佛言善男子此陀羅尼應誦六百遍乃可懺悔當
懺悔時應請一比丘在其前立口自陳罪必令得聞
如是次第經六十七日占其夢想如上所說更無有
異若得是相知是菩薩住清淨地具清淨戒復次善
男子若有沙彌沙彌尼優婆塞優婆夷毀諸禁者亦
應請一比丘了知內外律者向形像前若尊經般若
前自陳其過向此比丘此比丘應教淨律之法所謂

伊伽羅帝 慕伽羅帝 阿帝摩羅帝 郁伽羅帝

婆羅帝婆 座羅竭帝 座羅竭帝 豆羅奢竭

帝 毗奢竭帝 離婆竭帝 婆羅隸阿隸 其羅

隸阿隸 持羅隸阿隸 其蘭隸阿隸 提蘭隸阿

隸 毗羅阿隸 莎訶

善男子如是陀羅尼者我爲慈愍一切衆生故說此
陀羅尼若有下劣沙彌沙彌尼優婆塞優婆夷亦應
讀誦修行此陀羅尼誦四百遍乃一懺悔如是次第
四十七日當懺悔時應自陳過令彼了聞如是次第
四十七日已如上所說夢中所見一一事者當知是

沙彌沙彌尼優婆塞優婆夷住清淨地具清淨戒爾時文殊師利及五百弟子心少有疑佛知其意卽時告言如汝所念行者應修五事持諸戒性所謂不犯陀羅尼義不謗方等經不見他過不讚大乘不毀小乘不離善友常說衆生妙行如是五事是行者業不犯戒性復次善男子不說上界所見亦不說已所行好醜之事亦應日日三時塗地亦應日誦一遍日一懺悔如是五事是行者業不犯戒性復次善男子復有五事若有比丘行此法者及與白衣不得祭祀鬼神亦復不得輕於鬼神亦復不得破鬼神廟假使有

人祭祀鬼神亦不得輕亦不得與彼人往來如是五事是行者業護戒境界復次善男子復有五事不得與謗方等經家往來不得與破戒比丘往來破五戒優婆塞亦不得往來不得與獵師家往來不得與常說比丘過人往來如是五事是行者業護戒境界復次善男子復有五事不得與腦皮家往來不得與藍染家往來不得與養蠶家往來不得與壓油家往來不得與掘鼠藏家往來如是五事是行者業護戒境界復次善男子復有五事不得與劫人家往來不得與偷盜家往來不得與燒僧坊人家往來不得與偷

僧祇物人往來不得與乃至偷一比丘物人往來如是五事是行者業護戒境界復次善男子復有五事不得與畜猪羊雞狗家往來不得與觀星曆家往來不得與淫女家往來不得與寡婦家往來不得與酤酒家往來如是五事是行者業護戒境界善男子如是七科五事行者應深了觀根源然後捨離其餘諸事亦復如是復次善男子行有二種一者出世人行二者在世人行出世行者不禁如上諸事在世人行者吾以禁之何以故譬如嬰兒始能行時其母護持不聽遠行假使遠者或絕乳而死或墮水火故死

或爲虎狼師子之所食噉或爲蜈蚣鴟鴞所傷如是嬰兒母常將護不令暴害然後長大若有所作必能成辦善男子我亦如是爲一切母一切衆生卽是我子常爲護助令不遭橫速出三界能有所辦若不如是制諸弟子云何當得阿耨多羅三藐三菩提耶如彼女人不制其兒云何長大能有所辦復次善男子我諸弟子若見如上諸惡律儀不善人輩占相吉凶治生販賣一不如法諸惡之事捨我法已而更貪著惡律儀法然後命終受無量苦我時見已心生慈愍爲諸衆生設是方便令諸衆生乘是方便出三界苦

得究竟樂吾今所以設諸方便救攝衆生令得究竟
寂滅涅槃爾時文殊師利及五百大弟子無量大衆
歡喜奉行

不思議蓮華分第五

爾時祇陀林中無量億千那由他大衆之中有寶蓮
華從地湧出高七多羅樹其華有八十萬恒河沙重
一一重中各有一佛與無量大衆前後圍遶爲說陀
羅尼義如是次第八十萬恒河沙諸佛各說陀羅尼
義而此華中放大光明遍至三千大千世界爾時大
衆見此瑞已得未曾有不知爲以何緣忽有此相爾

時大衆各有疑惑如來何緣示現如是妙寶蓮華其
中諸佛說妙法藏各各相謂今當問誰爾時文殊師
利知大衆心疑卽從座起偏袒右肩右膝著地而白
佛言世尊五百大弟子及一切大衆心有疑惑我亦
未了此華名何爲以何緣忽來到此此華不可思議
復有諸佛而在其中與無量大衆說妙法藏此事不
可思議復有光明普照十方微塵世界此事亦爲不
可思議此華復有三十二種微妙莊嚴亦不可思議
此華有如是四不可思議此華名何其中諸佛光明
重數而從何方忽來在此以何因緣而現此相爾時

佛告文殊師利善男子此華者名優曇鉢羅闍其
中諸佛名釋迦牟尼俱同一字是諸佛等我乃久遠
常以供養於諸佛所深入法性汝等大衆亦應供養
爾時無量大衆卽從座起各各奉華供養諸佛到已
頭面禮足華供養已瞻仰諸佛目不暫捨爾時舍利
弗念欲供養是諸佛故卽修神通遠此華王經八十
七日百千萬分不周其一卽大號泣涉路而還到大
衆中而白佛言我定失神通而無疑也何以故向與
無量大衆往詣佛所念欲供養是諸佛故我卽修通
欲循觀此華經八十七日百千萬分不周其一以是

因緣我今定知必失神足而無疑也爾時佛告舍利
弗假使鳥飛疾於電光百千萬倍有阿羅漢復過於
是百千萬倍復有菩薩復過億倍復有菩薩復過萬
萬倍假使百千萬億劫猶尚不周況八十七日汝能
周耶咄善男子汝不失通譬如鹽大如微塵此鹽
自謂世間鹹者更無過我世有智者而便取之投之
於海唐失其身鹹何所在汝等聲聞亦復如是神通
大小如彼鹽耳法味多少如彼鹹味云何欲知此華
邊際爾時尊卽從座起到蓮華所以華供養是諸
佛等華供養已卽說陀羅尼曰

婆呵羅帝一 婆帝羅毗留賴多二 唎呵帝莎呵三 呵
 呵梨呵啞啞阿醯四 蒲醯呵鬱呵蛇醯五 蒲醯蛇醯
 槃蛇醯六 阿菟蛇醯七 阿菟蛇醯醯蛇八 復蛇醯醯
 蛇九 蒲蛇醯醯蛇十 復蛇醯醯蛇十一 蒲蛇醯醯蛇十二
 復蛇槃復蛇槃啞啞三莎訶十四

爾時諸佛各各說陀羅尼已爾時世尊即從座起語
 諸佛言今此大方等陀羅尼經當囑授誰耶爾時會
 中有八十萬恒河沙法身大士即從座起恭敬合掌
 白佛言世尊我等從今日若佛在世若去世後若有
 善男子善女人能修行解其義者若城邑聚落淨處

若山林樹下神仙居處修行此經解其義者我等八
 十萬恒河沙菩薩必往彼人所擁護此人令不遭橫
 身無疲倦常得色力名譽等利此人所至到處我等
 菩薩往彼人所作種種宮殿飲食卧具隨意供給令
 無所乏以此陀羅尼故如是供給令其不失上妙之
 心爾時諸佛語諸菩薩善哉善哉舊任娑婆土者能
 受持修行陀羅尼典及以供養持此典者即為供養
 十方諸佛汝等不久當得阿耨多羅三藐三菩提何
 以故此經有無量威神力故汝等受持此經有無量
 方便汝等受持此經有無量慈悲汝等受持此經有

無量神通汝等受持此經神力如是云何不得阿耨
多羅三藐三菩提爾時諸佛告諸菩薩善男子若諸
佛在世若去世後若有衆生來詣汝等一一菩薩者
若欲發問何者當先得阿耨多羅三藐三菩提汝等
應示能修行解其義者或有問者何人先入總持陀
羅尼門汝等應示能修行解其義者或有問言何者
能知十方世界莊嚴之事汝等應示能修行解其義
者或有問者何人當生嚴淨世界汝等應示能修行
解其義者或有問言何人來世作轉輪王汝等應示
能修行解其義者或有問者何人當於來世能廣化

衆生令堅住阿耨多羅三藐三菩提心汝等應示能
修行解其義者或有問者何人當於來世爲諸佛所
讚汝等應示能修行解其義者或有問者何人能知
十方世界有邊際無邊際耶汝等應示能修行解其
義者或有問者何人能遠離六賊汝等應示能修行
解其義者或有問者何人能離諸煩惱賊汝等應示
能修行解其義者或有問者何人能離十二食也汝
等應示能修行解其義者或有問者何人能離十纏
汝等應示能修行解其義者或有問者何人能離三
種甜食汝等應示能修行解其義者或有問者何人

能離毒害汝等應示能修行解其義者或有問者何人能離四毒汝等應示能修行解其義者或有問者何人能離一詐親者汝等應示能修行解其義者或有問者何人能離世惡知識汝等應示能修行解其義者或有問者何人不爲三愛所牽汝等應示能修行解其義者或有問者何人能於今世後世不謗方等經汝等應示能修行解其義者或有問者何人能知十方世界幾許衆生發三菩提心幾許衆生發聲聞緣覺心汝等應示能修行解其義者或有問者何人能分別十方諸佛說法之聲緣覺聲聲聞聲具住

菩薩聲不具住菩薩聲轉輪王聲諸天聲婆羅門聲大臣聲富聲貧聲樂聲苦聲夜叉聲餓鬼聲地獄聲畜生聲劫數苦報聲非劫數苦報聲汝等應示能修行解其義者或有問者何人能別世間諸香海渚彼岸香多摩羅伽香頻婆伽羅婆香婆首伽羅香熏陸伽香蘇曼陀香婆師伽香塗香末香雞舌香沉水香常在世香非常在世香佛菩提香菩薩究竟香聲聞分段香緣覺限際香初果人香非初果人香究竟涅槃香非究竟涅槃香分際香非分際香轉輪王香粟散王香大臣香婆羅門香居士香童男香童女香非

童男童女香地獄餓鬼畜生香十方世界香非十方
世界香汝等應示能修行解其義者復次善男子若
諸佛在世若去後世若有衆生得遇此陀羅尼者當
知是人去佛不遠譬如巧木作家往趣林野到諸山
中先見不木必定自知吾今得木而無疑也若使諸
佛去世之後若有衆生遇此陀羅尼者當知是人去
佛不遠如人趣河遙聞水聲必定自知吾今得水而
無疑也若使諸佛去世之後若有衆生得遇此經當
知是人去佛不遠譬如迷人還得正路必定自知去
舍不遠必無疑也若佛去世後若有衆生得遇此經

當知是人去佛不遠而無疑也如拙井家漸見濕土
必定自知去水不遠而無疑也若使諸佛去世之後
若有衆生得遇此經當知是人去佛不遠爾時諸佛
告諸菩薩當來有劫名妙音幢華彼界有城名無染行城中有
王名曰嚴身此嚴身王常以十善教化衆生汝等菩
薩當生此王家出家學道次第成佛俱號釋迦牟尼
爾時此華從地出已在於虛空放大光明於此光中
有種種妙聲讚諸菩薩善哉善哉諸菩薩等汝等不
久實當得於阿耨多羅三藐三菩提如諸佛語而無

疑也汝等必當堅固阿耨多羅三藐三菩提得常樂
我淨是時此華於虛空中忽然不現爾時五百大弟
子心有疑惑作如是唱言嗚呼異哉以何因緣有如
是事此大蓮華無有邊際在於虛空忽然不現今何
所在不知歸趣此華中有無量諸佛今亦隨無爾時
佛知衆會心念告諸大衆我今所說陀羅尼典今亦
當無如彼華相一切諸法如幻如化如虛空雲一切
諸法亦復如是假使有法過於是華亦如幻化而無
定相善男子不須驚疑如是等事非汝聲聞之所思
議向所出華是陀羅尼力今還無者亦陀羅尼力欲

說陀羅尼故此華從地涌出今已說竟此華還無非
汝聲聞之所議也諸法興故相貌亦興諸法衰故相
貌亦衰陀羅尼興故諸華亦興說陀羅尼竟故諸華
衰滅善男子汝不見乎我向初轉法輪之時無量無
邊大衆人天阿脩羅等前後圍遶是名法興我已說
竟名諸法衰天人阿脩羅隨意所往當知諸法如幻
化相譬如人生至於五十常趣衰路我所說法亦復
如是初始說時已有盡性非說已而有此盡性也此
華初出必有去性無有疑也法性常爾何所疑耶爾
時佛告阿難汝當受持此陀羅尼經我今出世已三

轉此陀羅尼經初始說時付囑於汝救攝衆生病苦之厄第二說時救護我法令諸波旬不得毀亂今第三說者皆爲救攝一切衆生置於涅槃是故一法方便三說度諸衆生以此三法付囑於汝譬如長者有三方便常用行身心方便念眼方便視手方便作如是三事和合成一我此陀羅尼亦復如是初說喻心二說喻眼三說喻手雖有三名其實是一一佛菩提如彼居士臨欲終時唯有一子以此三事付囑於子子已受教然後修行常得高位善男子我卽汝父汝是我子修我三因大方便者然後得作天中尊王如

居士子而順父教然後高貴若不順父教云何而汝若不順我此教者云何而得天中尊王復次善男子譬如大河在於大谷於意云何谷大耶河大耶阿難言世尊谷能盛河非河盛谷谷必大也佛言善哉善哉善男子快說是語谷喻於我河喻於汝谷涌大水展轉而流到於大海若復有水而不循谷漫墮瀆土爲瀆所滲而失其身善男子復有一水住在谷中而不肯出善男子谷喻大海用喻於我水喻菩薩住喻聲聞瀆喻緣覺雖入瀆中展轉而行入於大海雖住谷中展轉所推亦入大海善男子如是三事都歸

大海我今所說陀羅尼義初說救病二說護法三說護身雖三名說其實是一復次善男子譬如大樹因地而生頭有二岐於意云何樹因地生地因樹生耶阿難言世尊樹因地生非樹生地善男子快說是語地喻於我樹喻菩薩岐喻聲聞緣覺善男子如是三事可言非類不阿難言一類所生不可異也何以故一大地生故一根長故不可言非類也佛言善哉善男子我所說陀羅尼義亦復如是而無有異何以故一金剛身故一意生故一口說故以是因緣而無餘雜我今以三說陀羅尼以付囑汝一佛菩提乘亦付

於汝汝今諦聽受持慎莫忘失此陀羅尼若我去世汝當流布此陀羅尼又告阿難譬如國王髻中明珠愛之甚重若臨終時授與所愛之子我今爲諸法王此經卽如髻中明珠汝如我子今以此大方等陀羅尼經授與於汝譬如此王以髻明珠授與其子又告阿難譬如大王領一切國臨欲終時國正之事付囑於子我今亦復如是爲一切諸法中之王而得自在大小乘典付囑於汝譬如此王好醜之事付囑於子阿難我今以此大方等陀羅尼經付囑於汝若有衆生來詣汝所欲求此經如上十二夢王汝當善爲說

其事相前人所可爲說境界之事於一會中莫爲多
說譬如賈客周旋四方若到一國若賣寶時都不示
人汝今亦應如是少少而說又復阿難譬如女人而
有一子作諸飲食置舍宅中都不示子如是諸食都
爲其子終不頓與悉令盡也汝今亦應如是不應一
會悉爲衆生盡說境界之事復次阿難此陀羅尼者
不得用呪方道病乾陀鬼病狂亂鬼病不語鬼病不
開眼鬼病吸人精氣鬼病噬人鬼病視人鬼病食膿
血鬼病棄水火鬼病魘魅鬼病迷人鬼病食髮鬼病
能令人無心識鬼病食人心鬼病大疫鬼病若有如

是諸病悉不得用除自憶念大方等陀羅尼經何以
故非對治故善男子於汝意云何若有善男子善女
人磨大地土而用作食供四大身日日常食得活身
不阿難白佛言不也世尊如是等土非本所食云何
活身佛告阿難善哉善哉善男子實語不虛土定不
中食我今此法定不中用治下世病何以故此陀羅
尼非對治故阿難我今已說大方等陀羅尼所應受
持者而已受持所應化者而已受化所應說者我已
說竟所應持者菩薩持竟聲聞所持而未應也阿難
於汝意云何受持如是章句不阿難白佛言世尊我

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

大方等陀羅尼經卷第四
十一

當受持如是章句若佛去世之後若有比丘比丘尼
優婆塞優婆夷婆羅門婆羅門子居士居士子天龍
夜叉摩睺羅伽等若來詣我所推問陀羅尼義我當
為說如佛世尊願賜聽不佛告阿難善哉善哉真我
弟子真用我行出三界苦善哉善哉阿難衆生不能
受持如是經典違犯重戒毀謗正法逆害聖人快害
羅漢快殺父母阿難以是因緣我今重以此經付囑
於汝當為衆生除滅重罪爾時阿難及五百大弟子
文殊師利及諸菩薩波斯匿王及五百比丘優婆塞
優婆夷居士居士子及與十方天子婆藪大士及諸

罪人八十萬億恒河沙諸菩薩九十二億諸天子及
諸天人阿脩羅無量大衆歡喜奉行各禮佛足頂戴
持受

大方等陀羅尼經卷第四

音釋

卷一

臚盧上傳語

睚侯半音

啣痛

啞姪

帶帝

氣臚告下曰臚

睚為睚

啞鼻

啞姪

帶帝

也臚也

睚鼻

啞痛

啞姪

帶帝

卷二

疑存第十九紙短命

二十行

南藏作瓶

經

大方等陀羅尼經卷第四

十一

十一

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

淘魯鹽地也

僑羈寓也

蚪科斗蝦子

芥介

癩賴

睭雙睛

瞎瞎一目

疱泡

卷三

全益去聲塵瑜也又粗蠢貌

鄒縹同皮細起也

懊懊悔恨也



卷四

擯儼黜也

殼壳卵也

蟻疾梨蜈蚣也

啞姪

鴟鴟

瘞鳥

啣知

不藥同研木餘也

滲參去聲漏也

浙江嘉興府平湖縣信士陸模捐貲刻此
大方等陀羅尼經一卷專祈先考陸函五
先妣張氏張氏早生樂士計七千一百十
該五兩一錢三分七厘梨板九塊七錢二分
順治乙未仲秋竺陽氏馮洪業曙升子鄒煒

廣分
百記

二ノ川

